


特 7  
外  
458

廣群芳譜

伊藤  
馬郎  
大記

三十五  
止

佩文齋





特7-458



佩文齋廣羣芳譜卷第九十九

藥譜

屈草

本草經屈草味苦微寒無毒主胸脇下痛邪氣腸間寒熱陰痺久服輕身益氣耐老

別羈

本草經別羈味苦微溫無毒主風寒濕痺身重四肢疼酸寒歷節痛

名醫別錄別羈一名別枝生藍田川

谷二月八月采


離樓草

名醫別錄離樓草味鹹平無毒主益氣力多子輕身

增

名醫別錄 屈草 別羈 離樓草

一





長年生常山七月八月采實

黃護草

增名醫別錄黃護草無毒主痺益氣令人嗜食生隴西

雀醫草

增名醫別錄雀醫草味苦無毒主輕身益氣洗爛瘡療

風水一名白氣春生秋花白冬實黑

木甘草

增名醫別錄木甘草主療癰腫盛熱煮洗之生木間三

月生大葉如蛇牀四四相值但折枝種之便生五月花

白實核赤三月三日采之

益決草

增名醫別錄益決草味辛溫無毒主欬肺傷生山陰根

加細辛

九熟草

增名醫別錄九熟草味甘溫無毒主出汗止洩療悶一

名鳥粟一名雀粟生人家庭中葉如棗一歲九熟七月

采

兌草

增名醫別錄兌草味酸平無毒主輕身益氣長年冬生

蔓草木上葉黃有毛

異草

增名醫別錄異草味甘無毒主痿痺寒熱去黑子生籬

異草 九熟草 兌草 異草



鹿茸一名方諸  
木上葉如葵莖旁有角汁白  
灌草  
灌草 葩草 荇草 英草華

增名醫別錄灌草一名鼠肝葉滑汁白主癰腫

增名醫別錄葩草味辛無毒主傷金瘡

荇草

增名醫別錄荇草味甘無毒主盛傷痺腫生山澤如蒲  
黃葉如芥

英草華

增名醫別錄英草華味辛平無毒主痺氣療女勞疽解  
煩堅筋骨療風頭可作沐藥生蔓木上一名鹿英九月

采陰乾

封華

增名醫別錄封華味甘有毒主疥瘡養肌去惡肉夏至  
日采

懣華

增名醫別錄懣華味甘無毒主上氣解煩堅筋骨  
節草

增名醫別錄節草味苦無毒主傷中痿痺溢腫皮主脾  
中客熱氣一名山節一名達節一名通漆十月采暴乾

讓實

增名醫別錄讓實味酸主喉痺止洩痢十月采陰乾

黃連一名方諸  
封華 懣華 節草 讓實



羊實

名醫別錄羊實味苦寒主頭禿惡瘡疥癩癰癰生蜀郡

桑莖實

名醫別錄桑莖實味酸溫無毒主乳孕餘病輕身益氣一名草王葉如荏方莖大葉生園中十月采

可聚實

名醫別錄可聚實味甘溫無毒主輕身益氣明目一名長壽生山野道中穗如麥葉如艾五月采

滿陰實

名醫別錄滿陰實味酸平無毒主益氣除熱止渴利

小便長年生深山及園中莖如芥葉小實如櫻桃七月成

馬顛

名醫別錄馬顛味甘有毒療浮腫不可多食

馬逢

名醫別錄馬逢味辛無毒主癰蟲

兔棗

名醫別錄兔棗味酸無毒主輕身益氣生丹陽陵地高尺許實如棗

鹿良

名醫別錄鹿良味鹹臭主小兒驚癇音脉癰癰大人

羊實 桑莖實 可聚實 滿陰實 馬顛 馬逢 兔棗 鹿良



症五月采

雞涅

增名醫別錄雞涅味甘平無毒主明目中寒風諸不足水腫邪氣補中止洩痢療女子白沃一名陰洛生雞山采無時

犀洛

增名醫別錄犀洛味甘無毒主癰疾一名星洛一名泥洛

雀梅

增名醫別錄雀梅味酸寒有毒主蝕惡瘡一名千雀生海水石谷間

燕齒

增名醫別錄燕齒主小兒痲寒熱五月五日采

土齒

增名醫別錄土齒味甘平無毒主輕身益氣長年生山陵地中狀如馬牙


金莖

增名醫別錄金莖味苦平無毒主金瘡內漏一名葉金草生澤中高處

白背

增名醫別錄白背味苦平無毒主寒熱洗惡瘡疥生山陵根似紫葳葉如燕盧采無時

廣群芳譜 卷之十一 燕齒 土齒 金莖 白背 五





青雌

增名醫別錄青雌味苦主惡瘡禿敗瘡火氣殺三蟲一名蟲損一名孟推生方山山谷

白辛

增名醫別錄白辛味辛有毒主寒熱一名脫尾一名羊草生楚山三月采根白而香

赤舉

增名醫別錄赤舉味甘無毒主腹痛一名羊飴一名陵渴生山陰二月花繞蔓草上五月實黑中有核三月三日采葉陰乾

赤涅

增名醫別錄赤涅味甘無毒主疰崩中止血益氣生蜀郡山石陰地濕處采無時

赤赫

增名醫別錄赤赫味苦寒有毒主痂瘍惡敗瘡除三蟲邪氣生益州川谷二月八月采

黃秣

增名醫別錄黃秣味苦無毒主心煩止汗出形如桐根黃辨

增名醫別錄黃辨味甘平無毒主心腹痂瘕口瘡臍傷一名經辯

紫給



增名醫別錄 紫給味鹹主毒風頭洩注一名野葵生高陵下地三月三日采根根如烏頭

紫藍

增名醫別錄 紫藍味鹹無毒主食肉得毒能消除之

糞藍

增名醫別錄 糞藍味苦主身痒瘡白禿漆瘡洗之生房

陵

巴朱

增名醫別錄 巴朱味甘無毒主寒上血帶下生雜陽

柴紫

增名醫別錄 柴紫味苦主小腹痢利小腹破積聚長肌

肉久服輕身長年生寃句二月七月采

文石

增名醫別錄 文石味甘主寒熱心煩一名黍石生東郡

山澤中水下五色有汁潤澤

路石

增名醫別錄 路石味甘酸無毒主心腹止汗生肌酒痴

益氣耐寒實骨髓一名陵石生草石上天雨獨乾日出

獨濡花黃莖赤黑三歲一實赤如麻五月十月采莖葉

陰乾

曠石

增名醫別錄 曠石味甘平無毒主益氣養神除熱止渴

曠石味甘平無毒主益氣養神除熱止渴



生江南如石草

敗石

增名醫別錄敗石味苦無毒主渴痺

石劇

增名醫別錄石劇味甘無毒止消渴

石芸

增名醫別錄石芸味甘無毒主目痛淋漓寒熱溢血一

名整烈一名顧啄三月五月采莖葉陰乾

竹付

增名醫別錄竹付味甘無毒止痛除血

祕惡

增名醫別錄祕惡味酸無毒主療肝邪氣一名杜蓬

盧精

增名醫別錄盧精味平治蠱毒生益州

唐夷

增名醫別錄唐夷味苦無毒主療踠折

知杖

增名醫別錄知杖味甘無毒療疔

河煎

增名醫別錄河煎味酸主結氣癰在喉頸者生海中八

月九月采

區余

增名醫別錄區余

盧精

唐夷 知杖 河煎 區余

八



增名醫別錄區余味辛無毒主心腹熱瘰

王明

增名醫別錄王明味苦主身熱邪氣小兒身熱以浴之  
生山谷一名王草

師系

增名醫別錄師系味甘無毒主癰腫惡瘡煮洗之一名  
巨堯一名巨骨一名鬼芭生平澤八月采

并苦

增名醫別錄并苦主欬逆上氣益肺氣安五臟一名或  
或音薰一名玉荆三月采陰乾

索子

增名醫別錄索子味苦無毒主易耳一名馬耳

良達

增名醫別錄良達主齒痛止渴輕身生山陰莖蔓延大  
如葵子滑小

戈共


增名醫別錄戈共味苦寒無毒主驚氣傷寒腹痛羸瘦  
皮中有邪氣手足寒無色生益州山谷惡蜚廉

船虹

增名醫別錄船虹味酸無毒主下氣止煩渴可作浴湯  
藥色黃生蜀郡立秋取

姑活

廣群芳譜 卷十一 藥譜 王明師系并苦索子 良達 戈共 船虹 姑活





增名醫別錄姑活味甘溫無毒主大風邪氣濕痺寒痛  
久服輕身益氣耐老一名冬葵子生河東 唐本草姑  
活一名雞精

白女腸

增名醫別錄白女腸味辛寒無毒主洩痢腸澼療心痛  
破疝痕生深山谷葉如藍實赤赤女腸同

白扇根

增名醫別錄白扇根味苦寒無毒主瘡皮膚寒熱出汗  
令人變

黃白支

增名醫別錄黃白支生山陵三月四月采根暴乾

父陞根

增名醫別錄父陞根味辛有毒以熨癰腫膚脹一名膏

魚一名梓藻

疥拍腹

增名醫別錄疥拍腹味辛溫無毒主輕身療痺五月采

陰乾

五母麻

增名醫別錄五母麻味苦有毒主痿痺不便下痢一名  
鹿麻一名歸澤麻一名天麻一名若草生田野五月采

五色符

增名醫別錄五色符味苦微溫主欬逆五臟邪氣調中

黃草方譜

藥譜七

父陞根 疥拍腹 五母麻 五色符

十一





益氣明目殺蟲青符白符赤符黑符黃符各隨色補其  
臟白符一名女木生巴山谷

救赦人者

**增**名醫別錄救赦人者味甘有毒主疝痺通氣諸不足  
生人家宮室五月十月采暴乾

常吏之生

**增**名醫別錄常吏之生味苦平無毒主明目實有刺大  
如稻梁

載

**增**名醫別錄載味酸無毒主諸惡氣

慶

**增**名醫別錄慶味苦無毒主欬嗽

裸

**增**名醫別錄裸味甘無毒主益氣延年生山谷中白順  
理十月采

芥

**增**名醫別錄芥味苦寒無毒主消渴止血婦人痰除癰  
一名梨葉如大青

鳩鳥漿

**增**本草拾遺鳩鳥漿生江南枋木下高一二尺葉陰紫  
色冬不凋有赤子如珠味甘溫無毒能解諸毒故名山  
人浸酒服主風血羸老

廣羣芳譜

藥譜七

裸芥鳩鳥漿

吉祥草

十一



吉祥草

與草譜吉祥草名同物異

**增**本草拾遺吉祥草生西國味甘溫無毒主明目強記補心力

雞脚草

**增**本草拾遺雞脚草生澤畔赤莖對葉如百合苗味苦平無毒主赤白久痢成疔

兔肝草

**增**本草拾遺兔肝草初生細葉軟似兔肝一名雞肝味甘平無毒主金瘡止血生肉解丹石發熱

斷罐草

**增**本草拾遺斷罐草主疔瘡

千金鏹

**增**本草拾遺千金鏹生江南高二三尺主傳蛇蝎蟲咬毒

土落草


**增**本草拾遺土落草生嶺南山谷葉細長味甘溫無毒主腹冷氣痛疔瘡

倚待草

**增**本草拾遺倚待草生桂州如安山谷葉圓高二三尺八月采味甘溫無毒主血氣虛勞腰膝疼弱風緩羸瘦無顏色絕陽無子婦人老血浸酒服逐病極速故名倚待

廣群芳譜 卷一 千金鏹 土落草 倚待草

十一





藥王草

**增**本草拾遺藥王草苗莖青色摘之有汁味甘平無毒解一切毒止鼻衄吐血祛煩躁

筋子根

**增**本草拾遺筋子根生四明山苗高尺餘葉圓厚光潤冬不凋根大如指亦名根子味苦溫無毒主心腹痛不問冷熱遠近惡鬼氣注刺痛霍亂蠱毒暴下血

盧藥

**增**本草拾遺盧藥生蕃國似乾茅黃赤色味鹹溫無毒主折傷內損瘀血生膚止痛治五臟除邪氣補虛損產後血病

無風獨搖草

與羌活天麻鬼日各同物異

**增**海藥本草無風獨搖草生大秦國及嶺南五月五日采諸山野亦往往有之頭若彈子尾若鳥尾兩片開合見人自動故曰獨搖性平溫無毒主頭骨遊風遍身癢本草拾遺獨搖草帶之令夫相愛

陀得花

**增**開寶本草陀得花味甘平無毒主一切風血生西國蕃人將來蕃人采此花以釀酒呼為三勒漿

建水草

**增**圖經本草建水草生福州枝葉似桑四時常有土人取葉治走注風痛

無風獨搖草 陀得花 建水草





百藥祖

增圖經本草百藥祖生天台中冬夏常青土人采葉  
治風

催風使 與五加皮  
名同物異

增圖經本草催風使生天台中冬夏常青土人采葉  
治風

刺虎

增圖經本草刺虎生睦州凌冬不凋采根葉枝入藥味  
甘主一切腫痛風疾

石逍遙

增圖經本草石逍遙生常州冬夏常有無花實味苦微

寒無毒主癱瘓諸風手足不遂久服益氣輕身

黃寮郎

增圖經本草黃寮郎生天台中冬夏常青土人采根  
治風 醫學正傳黃寮郎俗名倒摘刺治喉痛

黃花了

增圖經本草黃花了生信州春生青葉三月開花似辣  
菜花黃色秋中結實采無時治咽喉口齒疔

百兩金

增圖經本草百兩金生戎州河中府雲安軍苗高二三  
尺有餘如木凌冬不凋葉似荔枝初生背面俱青秋後  
背紫面青初秋開花青碧色結實如豆大生青熟亦無

黃寮郎 黃花了 百兩金

十四



時采根去心用味苦性平無毒治壅熱咽喉腫痛其河中出者根赤如蔓菁莖細青色四月開碎黃花似星宿花五月采根曬乾用治風涎

地茄子

增圖經本草地茄子生商州三月開花結子五六月采陰乾味微辛溫有小毒主中風痰涎麻痺下熱毒氣破堅積利膈消癰腫瘡癤散血墮胎

田母草

增圖經本草田母草生臨江軍無花實三月采根性涼主煩熱及小兒風熱

田麻

增圖經本草田麻生信州呂野及溝澗旁春夏生青八月中生小莢冬月采葉治癰癤腫毒

芥心草

增圖經本草芥心草生淄州引蔓白色根黃色四月采苗葉治瘡疥

苦芥子

增圖經本草苦芥子生秦州苗長一尺餘莖青葉如柳開白花似榆葉其子黑色味苦大寒無毒明目治血風煩躁

布里草

增圖經本草布里草生南恩州原野中莖高三四尺葉



似李而大至夏不花而實食之瀉人采根皮焙爲末味甘寒有小毒治瘡疥殺蟲

茆質汗

增圖經本草茆質汗生信州葉青花白七月采根治風腫行血

胡莖草

增圖經本草胡莖草生密州東武山田中枝葉似小莖菜花紫色似翹韜花一枝七葉花出兩三莖春采苗味辛滑無毒止痛散血治打撲損傷筋骨惡癰腫搗汁塗金瘡

小兒羣

增圖經本草小兒羣生施州叢高一尺以來春夏生苗葉無花冬枯其根味辛性涼無毒治淋疾

獨脚仙

增圖經本草獨脚仙生福州山林旁陰泉處多有之春生苗葉圓落下紫脚長三四寸秋冬葉落夏連根葉采焙爲末治婦人血塊

撮石合草

增圖經本草撮石合草生睢州平田中莖高二尺以來葉似穀葉十二月萌芽二月有花不結實其苗味甘無毒療金瘡

露筋草

獨脚仙 撮石合草 露筋草



增 圖經本草 露筋草 生施州 株高三尺 以來春生 苗隨  
即開花 結子碧綠色 四時不凋 其根味辛 渣性涼 無毒  
主蜘蛛蜈蚣傷

九龍草

增 本草綱目 九龍草 一名金釵草 生平澤中 紅子狀如  
楊梅 其苗解諸毒 治喉痛 折傷 骨筋 蛇虺傷 喉風 重舌  
牙關緊閉

荔支草

增 本草綱目 荔支草 治蛇咬 犬傷 及破傷 風

水銀草

增 本草綱目 水銀草 治眼昏

透骨草

增 本草綱目 透骨草 治筋骨 一切風濕 疼痛 攣縮 寒濕  
脚氣 癘風 遍身 瘡癬 反胃 吐食 一切腫毒

蛇眼草

增 本草綱目 蛇眼草 生古井 及年久 陰下 處形如 淡竹  
葉 背後 皆是 紅圈 如蛇 眼狀 搗傅 蛇咬

鷺頂草

增 本草綱目 鷺頂草 取花 治咽 喉生瘡

蛇魚草

增 本草綱目 蛇魚草 搗傅 金瘡 血出不止

九里香草

增 本草綱目 九里香草

透骨草 蛇眼草 鷺頂草 蛇魚草 九里香草





廣群芳譜 藥譜七  
本草綱目 九里香草治肚癰  
白筵草 環腸草 野苳草

增 本草綱目 白筵草 香草也 蟲最畏之 取根葉煎洗諸  
蟲瘡疥癩

環腸草

增 本草綱目 環腸草 治蟲脹

割耳草

增 本草綱目 割耳草 治氣聾

雲花草

增 本草綱目 雲花草 一名雲花子 狀如麻黃 治馬疥

野苳草

增 本草綱目 野苳草 早治痞滿

織霞草

增 本草綱目 織霞草 治元臟虛冷氣攻臍腹痛

牛脂芳

增 本草綱目 牛脂芳 治七孔出血

鴨脚青

增 本草綱目 鴨脚青 治疥瘡

天仙蓮

增 本草綱目 天仙蓮 搗葉傳惡毒瘡癩

雙頭蓮

增 本草綱目 雙頭蓮 一名催生草 主婦人產難 左手把

織霞草 牛脂芳 鴨脚青 天仙蓮 雙頭蓮



廣羣芳譜 藥譜七 豬藍子 天芥菜 佛掌花 郭公刺  
之卽生又主腫脹利小便搗爛貼大人小兒牙疳

豬藍子

增本草綱目 豬藍子治耳內有膿名通耳

天芥菜

增本草綱目 天芥菜生平野小葉如芥狀味苦一名雞  
痢黏主傳蛇傷治一切腫毒

佛掌花

增本草綱目 佛掌花根治疥瘡

郭公刺

增本草綱目 郭公刺一名光骨刺取葉搗傅天泡瘡取  
根煎服治哮喘

籩箕柴

增本草綱目 籩箕柴生山中取皮煎服治癩瘡

碎米柴

增本草綱目 碎米柴主癰疽發背


羊屎柴

增本草綱目 羊屎柴生山野葉類鶴虱四月開白花亦  
有紅花者結子如羊屎狀名鐵草子根可毒魚夏用苗  
葉冬用根主傳癰疽發背能合瘡口散膿血又酒煮服  
治下血

山枇杷柴

增本草綱目 山枇杷柴取皮傅湯火傷

籩箕柴 碎米柴 羊屎柴 山枇杷柴 一七





三角風

增本草綱目三角風名三角尖取石上者尤良主風濕流注疼痛及癰疽腫毒

葉下紅

增本草綱目葉下紅滴汁治飛絲入目腫痛

滿江紅

增本草綱目滿江紅主癰疽

隔山消

增本草綱目隔山消出太和山白色主腹脹積滯氣隔噎食轉食

石見穿

增本草綱目石見穿主骨痛大風癰腫

墓頭回

增本草綱目墓頭回治崩中赤白帶下

羊茅

增本草綱目羊茅羊喜食之故名治喉痺腫痛

阿兒只

增西域記阿兒只出西域狀如苦參主打撲傷損婦人損胎又治魚鼠瘡

阿息兒

增西域記阿息兒出西域狀如地骨皮治婦人產後胞衣不下又治金瘡膿不出嚼爛塗之即出





奴哥撒兒

西域記奴哥撒兒出西域狀如桔梗治金瘡及腸與筋斷者嚼爛傅之白續也

薏苡

原薏苡一名解蠡一名芑實一名蠶米一名薏珠子一名西番蜀秫一名回回米一名草珠兒本草綱目云其散又似芑黍之苗故有解蠡芑實之名蠶音感蠶米乃其堅硬者有蠶蠶之意一作蠶珠一作蠶米苗名屋茨回回米以下三處處有之交趾者子最大出真定者佳各見救荒本草今多用梁漢者氣劣於真定春生苗莖高三四尺葉如黍葉開紅白花作穗五六月結實青白色形如珠子而稍長故呼薏珠子取用以顆小色青味甘黏牙者良形

尖而殼薄米白如糯米此真薏苡也可粥可麩可同米釀酒性微寒無毒養心肺上品之藥健脾益胃補肺清熱去風勝濕消水腫治筋急拘攣去乾濕脚氣大驗久服輕身辟邪令人能食根甘微寒無毒煮糜食甚香去蛇蟲大效心腹煩滿及胸脅痛剉三升煮濃汁服汁能墮胎氣葉作飲氣香益中暑月煎飲煖胃益氣血初生小兒煎湯浴之無毒

史記夏本紀注禹母修已見流星貫昴又吞神

珠薏苡胸坼而生禹後漢書馬援傳初援在交趾嘗餌薏苡實用能輕身省慾以勝瘴氣南方薏苡實大援欲以為種軍還載之一車時人以為南方珍怪權貴皆

本草綱目卷之十一 薏苡

三





望之援時方有寵故莫以聞及卒後有上書譔之者以謂前所載還乃明珠文犀帝益怒

**集** **五言古詩** **宋梅堯臣**魏文以予病渴贈薏苡二

叢植庭下走筆戲謝媿無相如才偶病相如渴溼水有

丈人薏苡分叢苳為飲可扶衰餘生幸且活安知惡已

者不願變野葛 **司馬光**薏苡佳實產南州流傳却山

瘴如何馬伏波坐取丘山謗夫君道義白復為神明相

厲氣與流言安能還無狀 **蘇軾**小圃薏苡伏波飯薏

苳禦瘴傳神良能除五溪毒不救讒言傷讒言風雨過

瘴癘久亦亡兩俱不足治但愛草木長草木各有宜珍

產駢南荒絳囊懸荔枝雪粉剉桄榔不謂蓬荪姿中有

藥與糧春為芡珠圓炊作菰米香子美拾橡栗黃精託

空腸今吾獨何者玉粒照座光

**七言古詩** **增** **宋陸游**薏苡初遊唐安飯薏米炊成不減

彫胡美大如芡實白如玉滑欲流匙香滿屋腹腴項鬢

不入盤况復殮酪誇甘酸東歸思之未易得每以問人

人不識嗚呼奇才從古棄草菅君試求之籬落間

**七言絕句** **增** **宋梅堯臣**和石昌言學士官舍薏苡葉如

華黍實如珠移種官庭特蔥蒨但蠲病渴付相如勿恤

謗言歸馬援 **明邵寶**謝張提學惠薏苡仁辟濕初聞

薏苡仁涯翁詩裏見來真東風吹送臺端甌活火山泉

共作春



詩散句 **唐**王維 薏苡扶衰病歸來幸可將 **原**杜甫

稻梁求未足 薏苡謗何頻 **增**宋蘇軾 只疑薏苡來交

趾未信蠙珠出 泗濱 黃庭堅 黃金滿地無人費 一斛

明珠惹苡秋 **原**明馮琦 南國絲來多薏苡 東山且可

問松蘿 **增**宋陸游 甌香炊薏米 **金**高士談 井邊薏

苡吐秋珠

**別錄原**修治 取子於甌中蒸使氣餾曝乾授之得仁亦

可碾取凡使每兩同糯米一兩炒熟去糯米用亦有以

鹽湯煮者 **製用**春熟炊為飯食之治冷氣 薏苡仁

為末同粳米煮粥日日食補正氣利腸胃消水腫治風

痺除胸中邪氣治筋脈拘攣除消渴水飲 **增**五雜俎

京師有薏酒用薏苡實釀之淡而有風致然不足快酒

人之吸也 **鳳洲筆記** 薏苡仁酒周氏第一成氏

檳榔

**增**藥錄 檳榔一名賓門 **本草注** 檳榔一名仁頻一名

洗瘴丹 一名螺果 尖長有紫文者名檳圓大而矮者名

榔 南方草木狀 檳榔樹高十餘丈皮似青桐節如斑

竹下本不大上枝不小調直亭亭千萬若一森秀無柯

端頂有葉葉似甘蕉條派開破仰望如插叢蕉於竹杪

風至獨動似舉羽扇之掃天葉下繫數房房綴數十實

實大如桃李天生棘重累其下所以禦衛其實也味苦



澀剖其皮煮其膚堅如乾棗作雞心狀破皮作錦文者  
 為佳以扶留藤古賁灰并食則滑美下氣消穀 名醫  
 別錄檳榔生南海氣味苦辛溫濕無毒消穀逐水除痰  
 癖三蟲伏尸寸白 藥性本草味甘性寒宣利五臟六  
 腑壅滯破胸中氣 唐本草除一切風下一切氣通關  
 節利九竅健脾調中除煩破癥結 鶴林玉露嶺南人  
 以檳榔代茶禦瘴其功有四一曰醒能使之醉蓋食之  
 久則熏然頰赤若飲酒然二曰醉能使之醒蓋酒後嚼  
 之則寬氣下痰餘醒頓解三曰飢能使之飽四曰飽能  
 使之飢蓋空腹食之則充然氣盛如飽飽後食之則飲  
 食快然易消又且賦性疏通而不洩氣稟味嚴正而更

有餘甘有是德故有是功也

梁書海南傳于隋利國出檳榔特精好為諸國  
 之極 南史劉穆之傳穆之少時家貧誕節嗜酒食不  
 修拘檢好往妻兄家乞食多見辱不以為耻其妻江嗣  
 女甚明識每禁不令往江氏後有慶會屬令勿來穆之  
 猶往食畢求檳榔江氏兄弟戲之曰檳榔消食君乃常  
 飢何忽須此妻復截髮市殺饌為其兄弟以餉穆之自  
 此不對穆之梳沐及穆之為丹陽尹將召妻兄弟妻泣  
 而稽顙以致謝穆之日本不匿怨無所致憂及至醉穆  
 之乃令厨人以金柈貯檳榔一斛以進之 任昉傳昉  
 父遙本性重檳榔以為常餌臨終常求之剖百許口不




得好者昉亦所嗜好深以為恨遂終身不嘗檳榔 唐書南蠻傳環王國取檳榔瀋為酒 哥羅國凡嫁娶納檳榔為禮多至二百盤 真臘國客至屑檳榔龍腦香蛤以進 婆賄伽盧國土熱衢路植椰子檳榔仰不見日 宋史地理志瓊州貢檳榔 三輔黃圖漢武帝元鼎六年破南越起扶荔宮以植所得奇草異木有檳榔百餘本 風俗記王高麗年十四五時四月八日在彭城佛寺中謝混見而以檳榔贈之執王手謂曰王郎謝叔源可與周旋否 南中八郡志檳榔土人以為貴婚族款客輒先進此物若邂逅不設用相嫌恨 三國典略齊命通直散騎常侍辛德源聘于陳陳遣主客蔡佞

宴酬因談謔手弄檳榔乃曰頃聞北間有人為噉檳榔獲罪人間遂禁此物定爾否德源荅曰此是天保初王尚書罪狀故耳猶如李固被責云胡粉飾面搔首弄姿不聞漢世頓禁胡粉 酉陽雜俎檳榔枝苗可以忘憂 嶺表錄異安南自嫩及老採檳榔實啖之自云交州地溫不食此無以祛其瘴癘廣州亦噉檳榔然不甚於安南也 西溪叢語閩廣人食檳榔每切作片蘸蠟灰以老葉裹嚼之老音老又音蒲口切初食微覺似醉面赤故東坡詩云紅潮登頰醉檳榔 宋類苑南海地氣暑濕人多患胸中痞滯故常嚼檳榔數十口加以芎藭藤洎蜆灰同咀之液如朱色程思孟知番禺凡左右侍

檳榔

三





史啖檳榔者悉杖之或問其故曰惡其口唇如漱血耳

海槎餘錄檳榔產於海南惟萬崖瓊山會同樂會諸

州縣為多他處則少每親朋會合互相擎送以為禮至

於議姻不用年帖只送檳榔而已 瀛崖勝覽瓜哇國

人檳榔不離口寘飯於盤酥澆之餐則噉去椰屑向盤

掬而食食既水飲待賓以檳榔

集藻 賤 晉俞益期與韓康伯賤惟檳榔樹最南游之

可觀子既非常木亦特異余在交州時度之大者三圍

高者九丈餘葉聚樹端房棲葉下花秀房中子結房外

其擢穗似黍其綴實似穀其皮似桐而厚其節似竹而

概其中空其外勁其屈如覆虹其伸如繩繩本不大末

不小上不傾下不斜稠直亭亭千百若一步其林則寥

朗庇其陰則蕭條信可以長吟可以遠想矣但性不耐

霜不得北植必當遐樹海南遼然萬里弗遇長者之目

自令人深恨

啓 梁庾肩吾謝東宮賚檳榔啓無勞朱實兼荔支之

五滋能發紅顏類芙蓉之十酒登玉案而上陳出珠盤

而下逮澤深溫奈恩均含棗 謝賚檳榔啓形均綠竹

詎掃山壇色譬青桐不生空井事踰紫柰用兼芳菊方

為口實永以蠲痾 王僧孺謝賜于佗利所獻檳榔啓

竊以文軌一覃充劬斯及入侍清朔航海梯山獻琛奉

貢充庖盈府故其取題在賦多述俞書萍實非甘荔葩



慙美

賦釋明黎遂球檳榔賦有序檳榔生於海外予粵人喜雜菓葉蜆灰嚼之婚姻之約以表結言客粵者每不諳食且資嘲笑然致食檳榔不惟予粵人也晉劉穆之微時嘗造妻家已食畢求檳榔妻兄弟曰君嘗苦飢何用此物及任丹陽尹召妻兄弟以金盤貯檳榔一斛贈之然則往故吳俗所貴何以云然予讀書之暇作賦爭之美嘉實之貞烈合文采於炎方幹亭亭而直上枝扶舉而疎張涉南海以流望見團蓋之彷彿摘鮫人之明珠猶什襲而錦裝牽異草而薦葉朋翡翠於越裳準削瓜以成瓣或如錢而擲筐疑獺髓與玉屑並資嚼而得漿

擬漱石而礪齒勝含脂以爲容於是集良耦邀上賓進鯉尾獻猩脣調甘選脆嘉澹雪醇龍華代燭雞人遲更觴羽倦而旣醉德味飽乎大烹却易牙而不顧視杜康以逡巡並牽裾與捧袂見微誠於華巾結方勝以象物翅則螳而首螭香儼含乎雞舌液半飲而霞蒸酌腑臟之損益導元氣以降升是以靡俗不珍無時不宜托吉士以爲友比白茅而包之指標梅以興感佇斯焉之相遺陳瓜果以穿鍼懸艾虎而續絲匪一端以調笑卽懷袖以寄怡在凝寒而擁背或立月而露滋忽溫霽而如醺惟丹丸之馥頤彼嚙脣與啜舌樂並枕於低帷暢同心之蘭言相吞吐而氣佳笑貞士之苦節采松實而緣



阿分藜藿之我安適晚食而婆娑詠素餐以不忤歌無  
酒而可酤從樂飢於衡門亦回味以旨多况鼎養之羅  
列侑退食而委蛇

五言古詩增梁劉孝綽有人乞牛舌乳不付因餉檳榔

陳乳何能貴爛舌不成珍空持淪皓齒非但汗丹脣別  
有無枝實曾要湛上人差比朱櫻熟詎易紫梨津莫言  
蒂中久當看心裏新微芳雖不足含咀願相親

周庾

信忽見檳榔綠芳千子熟紫穗百花開莫言行萬里曾

經相識來

宋蘇軾食檳榔月照無枝林夜棟立萬礎

渺渺雲間扇蔭此九月暑上有垂房子下繞絳刺禦風

欺紫鳳卵雨暗蒼龍乳裂包一墮地還以皮自煮北客

初未諳勸食俗難阻中虛畏泄氣始嚼忽半吐吸津得

微甘著齒隨亦苦面目太嚴冷滋味絕媚嫵誅彭勳可

策推轂勇宜賈瘴風作堅頑導利時有補藥儲固可爾

果錄詎用許先生失膏梁便腹委敗鼓日噉過一粒腸

胃為所侮蟄雷殷臍腎藜藿腐亭午書燈看膏盡鉦漏

歷歷數老眼怕少睡竟使赤昔努渴思梅林嚙饑念黃

獨舉奈何農經中收此困羈旅牛舌不餉人一斛甬多

與乃知見本福但可酬惡語

戴復古泉南卽事寄跡

小園中自笑容異鄉東家送檳榔西家送檳榔咀嚼脣

齒赤亦能醉我腸南人愛敬客以此當茶湯慙慙謝其

來此意不可忘

明劉基初食檳榔檳榔紅白文色似



青扶留驛吏勸我食可已瘴癘憂初驚刺生頰漸若戟  
在喉紛紛花滿眼岑岑量蒙頭將疑悞腊毒復想致無  
由稍稍熱上面輕汗如珠流清涼徹肺腑麤穢無纖留  
信知殷王語瞑眩疾乃瘳三復增永歎書之遺朋儔  
五言律詩 宋朱子檳榔 憶昔南遊日初嘗面發紅藥  
囊知有用茗盃詎能同蠲疾收殊效修真錄異功三彭  
如不避糜爛七非中

五言排律 宋李綱檳榔 疎林滄海上結實已纍纍煙  
濕頰虬卵風搖翠羽旗飛翔金鷲驚掩映籜龍兒濩落  
哈椰子勻圓訝荔枝當茶銷瘴速如酒醉人遲蔓葉偏  
相稱蠟灰亦漫為午餐顏愧渥頰嚼齒愁疲飲啄隨風

土端憂化鳥黎

七言絕句 宋黃庭堅幾道復覓檳榔蠻煙雨裏紅千

樹逐水排痰肘後方莫笑忍飢窮縣令煩君一斛寄檳

榔 朱子檳榔五絕卒章戲簡及之主簿暮年藥裏關

身切此外條然百不貪惹苴載來緣下氣檳榔收得為

祛痰 錦文縷切勸加餐屨炭扶留共一盤食罷有時


求不得英雄邂逅亦飢寒 向來試吏著南冠馬甲蠟

山得飫餐却藉芳辛來解穢雞心磊落看堆盤 箇中

有味要君參螫吻春喉久不甘珍重人心亦如此莫將

寒苦換春醕 高士沉迷簿領書有時紅糝綴玄鬚定

知不著金盤貯兒女心情本自無





詩散句 **增**唐李白何如黃金盤一斛薦檳榔 **宋唐庚**

織貝流肌滑檳榔入頰紅 **元張翥**檳榔新善啖一斛

宿醒空 **宋蘇軾**不用長愁掛月村檳榔生子竹生孫

**唐曹鄴**檳榔自無柯 **宋鄭域**檳榔共聘幣 **戴復**

古紅吐檳榔唾

附山檳榔錄

**增**羅浮山疏山檳榔一名蒟子生日南樹似栝櫚而小

與檳榔同狀一叢十餘榦一榦十餘房一房數百子子

長寸餘五月采之味近甘苦

大腹子

**增**本草綱目大腹子一名大腹檳榔出嶺表滇南檳榔

中一種腹大形扁而味澀者不似檳榔尖長味良甘者

所謂猪檳榔也雲南記云大腹檳榔每枝有二三百顆

青時以一片蓂葉及蛤粉卷和食之即滅澀味與檳榔

可通用但力稍劣耳皮味辛微溫無毒治冷熱氣攻心

腹大腸蠱毒痰膈醋心下一切氣止霍亂通大小腸健

脾開胃消肌膚中水氣壅逆瘴癘痞滿胎氣惡阻脹悶

馬檳榔

**原**馬檳榔俗譌為馬金囊一名馬金南一名紫檳榔結

實紫色內有核而殼薄去殼其仁色白盤轉與北方文

官果無異第文官果乾久食之刺喉馬檳榔雖乾嚼之

軟美嚼完以新汲水送下其清甜香美凡果無與為比



味甘寒無毒出雲南金齒沅江諸夷地核仁氣味苦甘  
寒無毒治產難傷寒熱病惡瘡腫毒俱以冷水嚼服數  
枚

**集藻**五言古詩增明吳寬馬檳榔有樹吾不識人云馬

檳榔檳榔產南海結實因瘴鄉平生冒其名豈亦如丁  
香白花細而密實甘翻可嘗其葉與麻同沃若澤且光  
麻馬音或譌欲問郭駝亡

茱萸 二種同類

**釋**本草綱目吳茱萸陳藏器曰茱萸南北總有入藥以  
吳地者為好所以有吳之名也  
處處有之江淮蜀漢尤多木高丈餘皮青綠色葉似椿  
而潤厚紫色三月開紅紫細花七八月結實似椒子嫩


時微黃至熟則深紫李時珍曰枝柔而肥葉長而皺其  
實結於梢頭纍纍成簇而無核一種粒大一種粒小小  
者入藥為勝氣味辛溫有小毒溫中下氣止痛除濕逐  
風邪開腠理治欬逆寒熱利五臟去痰冷逆氣治飲食  
不消心腹諸冷絞痛中惡心腹痛霍亂吐瀉瘧痺刺痛  
腰脚軟弱利大腸壅氣腸風痔疾殺三蟲鬼疰治腎氣  
通關節健脾厚腸胃開鬱化滯 食茱萸一名藜一名  
檄一名艾子一名辣子一名越椒一名欐子陶弘景曰

而俗呼為檄子當是不識藜子也蘇恭曰爾雅云檄檄  
醜棟陸機詩疏云檄檄屬也並有檄名李時珍曰此即  
欐子也蜀人呼為艾子楚人謂之辣古人謂之藜及檄  
子因其辣蜚口慘腹有殺穀黨然之狀故有諸名曹憲  
博雅云欐子越椒茱萸也鄭樵通志蘇頌曰南北皆有  
云欐子一名食茱萸以別吳茱萸也

廣羣芳譜

卷七 茱萸

三






之其木甚高大有長及百尺者枝莖青黃莖間有刺上  
有小白點葉類油麻其花黃花子宜入食羹中能發辛  
香李時珍曰高木長葉黃花綠子叢簇枝上味辛而苦  
土人八月採搗濾取汁入石灰攪成名曰艾油亦曰辣  
米味辛辣入食物中用主治功同吳茱萸但力少劣爾  
夙考禮記內則三牲用藪註藪煎茱萸也漢律會稽  
獻焉爾雅謂之檄疏賀氏云今蜀郡作之九月九日取  
茱萸折其枝連其實廣長四五寸一升實可和寸升膏  
名為藪也南齊書祥瑞志始興郡本無檣樹調味有  
闕世祖在郡堂屋後忽生一株唐書文藝傳王維別  
墅在輞川有茱萸泚詩含神霧茱萸耐老淮南畢

萬術井上宜種茱萸茱萸葉落井中飲此水者無瘟病  
懸茱萸于屋內鬼畏不入雜五行書舍東種白楊茱  
萸三根增年益壽除患害也搜神記永嘉六年正月  
無錫縣欵有四枝茱萸樹相樛而生狀若連理發蒙  
記蛇以茱萸為酒謂飲之即醉也異苑晉新野庾紹  
字道遐與南陽宋協中表之親情好綢繆桓玄時庾為  
湘東太守病亡義熙中忽見形詣協求酒協時時餌茱  
萸酒因為設之酒至執杯還置云有茱萸氣協云卿惡  
之耶紹云上官皆畏之非獨我也風土記俗尚九月  
九日謂之上九茱萸到此日氣烈熱色赤可折其房以  
插頭云辟惡氣禦冬易洞林郭璞避難至新息有人

廣群芳譜卷一 茱萸

三






以茱萸令璞射之璞曰子如小鈴含玄珠按文言之是  
 茱萸 [續齊諧記]汝南桓景隨費長房遊學長房謂之  
 曰九月九日汝南當有大災厄急令家人縫囊盛茱萸  
 繫臂上登山飲菊花酒此禍可消景如言舉家登山夕  
 還見雞犬牛羊一時暴死長房問之曰此可代矣今世  
 人九日登高飲酒帶茱萸囊蓋始於此 [成都古今記]  
 蜀人每進酒輒以艾子一粒投之少頃香滿盃醖 [福  
 建志]建寧府重陽日登高飲茱萸酒名茱萸為辟邪翁  
 [集藻]贊 [增]宋宋祁艾子贊綠實若萸味辛香苾投粒羹  
 臞椒桂之匹

[賦]增 [晉]孫楚茱萸賦有茱萸之嘉木植茅茨之前庭歷

漢女而始育閱百歲而長生森蔓延以盛典布綠葉於  
 紫莖鶉火西徂白藏授節零露既凝鷹隼飄厲攀紫房  
 於織柯綴朱實之酷烈應神農之本草療生民之疢疾  
 文散句 [增]楚屈原離騷椒又欲充夫佩幃  
 五言古詩 [增]梁簡文帝茱萸女茱萸生狹邪結子復銜  
 花遇逢纖手摘濫得映鉛華雜與鬢簪插偶逐鬢鈿斜  
 東西爭贈玉縱橫來問家不無夫婿馬空駐使君車  
 唐萬楚茱萸女山陰柳家女九日采茱萸復得東隣伴  
 雙為陌上姝插枝著高髻結子置長裾忤性常遲緩非  
 關詫丈夫平明折林樾日入返城隅俠客要羅袖行人  
 挑短書蛾眉自有主年少莫踟躕





五言律詩增宋徐鉉奉御扎賦茱萸萬物慶西成茱萸  
獨擅名房排紅結小香透夾衣輕宿露霑猶重朝陽照  
更明長和菊花酒高宴奉西清

七言律詩增宋徐鉉奉和御製茱萸臺畔西風御果新  
芳香精彩麗蕭辰柔條細葉妝治好紫蒂紅芳點綴勻  
幾朵得陪天上宴千株長作洞中春今朝聖藻偏流詠  
黃菊無由更敢隣

五言絕句增唐王維茱萸泚結實紅且綠復如花更開  
山中儻留客置此芙蓉杯山茶萸朱實山下開清香  
寒更發幸與叢桂花窻前向秋月裴迪茱萸泚飄香  
亂椒桂布葉間檀欒雲日雖回照森沈猶自寒

七言絕句增唐武元衡寄題江南所居茱萸樹手種茱  
萸舊井傍幾回春露又秋霜今來獨向秦中見攀折無  
時不斷腸

詩散句增唐孟浩然茱萸正可佩折取寄情親司空

曙強向衰叢見芳意茱萸紅實是繁花張說茱囊繫

牧童李白九日茱萸熟李益茱萸滴露房宋司

馬光萸房近令節唐王昌齡茱萸插鬢花宜壽王

維遍插茱萸少一人杜甫醉把茱萸仔細看盧綸

茱萸一朶映華簪權德輿酒泛茱萸晚易曛白居

易舞鬢擺落茱萸房茱萸色淺未經霜元稹茱萸

暗綻紅珠藥崔櫓茱萸冷吹溪口香無名氏茱萸



藥綻蠅頭赤

**別錄** **增** 齊民要術食茱萸二月栽之宜固城隍冢高燥之處候實開便收之挂著屋裏壁上令陰乾勿使煙薰用時去中黑子 **炮炙論** 凡使吳茱萸去葉梗每十兩以鹽二兩投東流水四斗分作一百度洗之自然無涎日乾入丸散用之若用醋煮者每十兩用醋一鎰煮三十沸後入茱萸曬乾用


桂 巖桂別見花譜

**增** 爾雅棧木桂 **註** 今南人呼桂厚皮者為木桂桂樹葉似枇杷而大白華華而不著子叢生岩嶺枝葉冬夏常青 **桂海虞衡志** 桂南方奇木上藥也桂林以地名地

實不產而出於賓宜州凡木葉心皆一縱理獨桂有兩紋形如圭製字者意或出此葉味辛甘與皮無別而加芳美人喜咀嚼之 **南方草木狀** 桂出合浦生必以高山之巔冬夏常青其類自為林間無雜樹交趾置桂園桂有三種葉如柏葉皮丹者為丹桂葉似柿葉者為茵桂葉似枇杷葉者為牡桂 **酉陽雜俎** 牡桂葉大如苦竹葉葉中一脈如筆跡花蒂葉三瓣瓣端分為兩岐其表色淺黃近岐淺紅色花六瓣色白心凸起如荔枝其色紫出婺州山中 **唐本草** 牡桂乃爾雅所云棧木桂也葉長尺許花子與茵桂同大小枝皮俱名牡桂但大枝皮肉理麤虛如木而肉少味薄名曰木桂亦云大桂

廣群芳譜卷之十一

三五





不及小嫩枝皮肉多而半卷中必皺起其味辛美一名  
肉桂亦名桂枝一名桂心出邕州桂州交州甚良其菌  
桂葉似柿葉中有縱文三道表裏無毛而光澤肌理緊  
薄如竹大枝小枝皮俱是筒其大枝無肉老皮堅板不  
能重卷味極淡薄不入藥用小枝薄而卷及二三重者  
良或云筒桂陶氏云小桂是也今惟出韶州 [本草綱  
目] 牡桂葉長如枇杷葉堅硬有毛及鋸齒其花白色其  
皮多脂菌桂葉如柿葉而尖狹光淨有三縱文而無鋸  
齒其花有黃有白其皮薄而卷今商人所貨皆此二種  
別錄單名桂者即肉桂李杲云桂之細薄者為枝厚脂  
者為肉去皮與裏當其中者為桂心桂肉氣味甘辛有

小毒利肝肺氣心腹寒熱冷痰霍亂轉筋頭痛腰痛出  
汗溫中堅筋骨通血脈理疏不足宣導百藥治沈寒痼  
冷之病去營衛中風寒表虛自汗桂心苦辛無毒治九  
種心痛腹內冷痛欬逆結氣壅脾脚痺不仁止痢破血  
殺三蟲治一切風氣補五勞七傷通九竅利關節益精  
明目暖腰膝治風痺骨節攣縮續筋骨生肌肉消瘀血  
破疔癰癥瘕殺草木毒治風癱失音陽虛失血內托癰  
疽痘瘡解蛇蝮毒牡桂即木桂其最薄者為桂枝枝之  
嫩小者為柳桂氣味辛溫無毒治上氣欬逆結氣喉痺  
吐吸利關節補中益氣治心痛脇痛溫筋通脈止煩發  
汗去冷風疼痛菌桂氣味辛溫無毒治百病養精神和



廣群芳譜 藥譜 卷之六  
顏色爲諸藥先聘通久服輕身不老面生光華媚好常  
如童子昔人所服食者蓋此類也

〔廣考〕 戰國策蘇秦曰楚國之食貴於玉薪貴於桂

山海經桂林八樹在賁隅東註八樹成林言其大也

莊子桂可食故伐之 〔列仙傳〕范蠡好食桂飲水賣藥

人間世世見之 〔說文〕桂江南木百藥之長 〔原〕地理

志桂陽郡有桂嶺開花徧樹林嶺盡香 〔搜神記〕彭

祖者殷時大夫也姓籛名鏗帝顓頊之孫陸終氏之中

子歷夏而生商末號七百歲常食芝桂 〔抱朴子〕趙佗

子服桂二十年足下生毛日行五百里力舉千斤 〔廣

州記〕桂父常食桂葉見知其神人尊事之一旦與鄉曲

別飄然入雲 〔拾遺記〕閩河之北有紫桂成林其實如

棗羣仙餌焉韓終採藥四言詩曰閩河紫桂實大如棗

得而食之後天而老 〔臨海記〕郡東南有白石山望之

如雪山有湖傳云金鷺之所集八桂之所植 〔水經注〕

林邑城隍塹之外林棘荒蔓榛梗冥鬱藤檠等秀叅錯

際天其中香桂成林氣清澄煙桂父象人也棲居此林

服桂得道 〔羅浮山記〕山頂有桂山海經所謂賁禺之

桂 〔一品集〕李德裕平泉莊有東陽之牡桂 〔酉陽雜

俎〕大凡木脈皆一脊唯桂葉三脊 〔孫公談苑〕南唐後

主嘗召徐鍇至清暑閣前地經雨草生磚縫中薙去復

生鍇曰呂氏春秋云桂枝之下無雜木味辛故也後主



令取桂屑數斗勻布縫中經宿盡死夢溪筆談呂氏  
春秋云桂枝之下無雜木蓋桂枝味辛整故也然桂之  
殺草木自是其性不為辛整也雷公炮炙論云以桂為  
丁以釘木中其木即死一丁至微未必能整大木自是  
其性相制耳避暑錄話蘇子瞻在惠州作桂酒嘗問  
其二子邁過云一試之而止大抵氣味似屠蘇酒二子  
語及亦自撫掌大笑劉禹錫傳信方有桂漿法善造者  
暑月極快美凡酒用藥未有不奪其味况桂之烈楚人  
所謂桂酒椒漿者安知其為美酒但土俗所尚今欲因  
其名以求美亦過矣

**集藻贊**晉郭璞桂贊桂生南裔拔萃岑嶺廣莫匪葩

凌霜津穎氣王百藥森然雲挺

文賦散句楚屈原離騷雜申椒與菌桂兮豈維紉夫

蕙蒞漢司馬相如上林賦桂椒木蘭晉孫綽天台

賦入桂森挺以凌霜

五言古詩原周庾信詠桂南中有八桂繁華無四時不

識風霜苦安知零落期唐顏真卿謝陸處士杼山

折青桂花見寄之什羣子遊杼山山寒桂花白綠萸含

素萼采折自逋客忽枉巖中詩芳香潤金石全高南越

蠹豈謝東堂策會愜名山期從君恣幽覲

詩散句唐李白何以折相贈白花青桂枝孟浩然

青桂春再榮白雲暮來變白居易身倚白石崖手攀

廣群芳譜 卷七 桂

長





青桂樹 晉張協尺燼重尋桂 梁庾肩吾八桂動芳

枝 原唐李白青桂隱遙月 姚合辛香發桂叢

李賀山頭老桂吹木香

別錄原漢書南越傳尉陀獻桂蠹一器註師古曰此蟲

食桂故味辛而漬之以蜜食之也

佩文齋廣羣芳譜卷第九十九


佩文齋廣羣芳譜卷第一百

藥譜

丁香

增本草綱目丁香一名丁子香一名雞舌香陳藏器曰雞舌香與丁香同種花實叢生其中心最大者為雞舌擊破有順理而解為兩向如雞舌故名乃是母丁香也馬志曰生交廣南番樹高丈餘木類桂葉似櫟葉花圓細黃色其子出枚藥上如釘長三四分紫色其中有麤大如山茱萸者俗呼為母丁香雞舌香氣味辛微溫無毒治風水毒腫霍亂心痛去惡熱丁香氣味辛溫無毒溫脾胃止霍亂空脹風毒諸腫齒疳齧殺蟲辟惡治口

佩文齋廣羣芳譜卷第一百 丁香





氣反胃鬼疰蠱毒殺酒毒消痲療腎氣奔豚腹痛嘔  
逆去胃寒理元氣血氣盛者勿服按今所種丁香花三  
四月開又一種也

**藥考** 西陽雜俎藥草異名亭吳獨生雞舌香也 **藥**

譜丁香異名支解香 夢溪筆談子集靈苑方論雞舌

香以為丁香母蓋出陳氏拾遺今細考之尚未然按齊

民要術云雞舌香世以其似丁子故一名丁子香即今

丁香是也日華子云雞舌香治口氣所以三省故事郎

官日含雞舌香欲其奏事對荅其氣芬芳此正所謂丁

香治口氣至今方書為然又古方五香連翹湯用雞舌

香千金五香連翹湯無雞舌香却有丁香此最為明驗

新補本草又出丁香一條蓋不曾深考也今世所用雞

舌香乳香中得之大如山茱萸剉開中如柿核畧無氣  
味以治痰殊極乖謬

**集藻** 五言古詩 唐杜甫丁香 丁香體柔弱亂結枝猶

墊細葉帶浮毛疎花披素艷深栽小齋後庶近幽人占

晚墮蘭麝中休懷粉身念

五言律詩 唐錢起賦得池上雙丁香樹 得地移根遠


交柯繞指柔露香濃結桂池影鬪蟠虬黛葉輕筠綠金

花笑菊秋何如南海外雨露隔炎洲

七言絕句 唐陸龜蒙丁香 江上悠悠人不問十年雲

外醉中身殷勤解却丁香結從放繁枝散誕春 金元

好問賦瓶中雜花香中人道睡香濃誰信丁香臭味同





一樹百枝千萬結更應薰染費春工  
明許邦才丁香花蘇小西陵踏月迴香車白馬引郎來當年刺綰同心結此日春風為剪開

詩散句 宋宋白昨日司花新奉勅後園差使結丁香

陶弼萬枝千葉遞相就內結花心外結身

烏藥

本草綱目烏藥一名旁其一名鱗鮓一名矮樟烏藥色以

其葉狀似鱗鮓鮓魚故俗呼為鱗鮓樹拾遺作蘇頌曰旁其方音訛也南人亦呼為矮樟其氣似樟也蘇頌曰

台州雷州衡州皆有之以天台者為勝木似茶櫃高五七尺葉微圓而尖面青背白有紋四五月開細花黃白色六月結實根有極大者又似釣樟根然根有二種領

南者黑褐色而堅硬天台者白而虛軟並以八月采根如車轂紋形如連珠者佳李時珍曰吳楚山中極多人以為薪根葉皆有香氣但根不甚大纔如芍藥嫩者肉白老者肉褐色其子如冬青子生青熟紫核殼極薄其仁亦香而苦根味辛溫無毒治中惡心腹痛蠱毒疰忤鬼氣宿食不消天行疫瘴膀胱腎間冷氣攻衝背脊婦人血氣小兒腹中諸蟲除一切冷霍亂反胃吐食瀉痢癰癤疥癩并解冷熱

附 研藥

海藥本草研藥生南海諸州小樹葉如椒根如烏藥而圓小根味苦溫無毒主霍亂下利赤白中惡蠱毒腹

烏藥 研藥 乳香



廣羣芳譜 藥譜八  
不調者判水煎服

乳香

檀香錄乳香一名薰陸香出大食國南其樹類松以斤  
斫樹脂溢於外結而成香聚而成塊上品為棟香圓大  
如乳頭透明俗呼滴乳又曰明乳次為瓶香以瓶收者  
次為乳塌雜沙石者次為黑塌黑色次為水濕塌水漬  
色敗氣變者次為斫削雜碎不堪次為纏末播揚為塵  
者 本草綱目熏陸香一名馬尾香一名天澤香一名  
摩勒香一名多伽羅香 寇宗奭曰薰陸香即乳香為其  
垂滴如乳頭也鉢塌在地者為  
塌香皆一也李時珍曰佛書謂之大澤香言其潤澤也  
又謂之多伽羅香又曰杜嚮香李珣言薰陸是樹皮乳  
是樹脂陳藏器言乳香是薰陸之類寇宗奭言是  
一物陳承言薰陸是總名乳香是薰陸之乳頭也掌禹

錫曰按南方異物志云薰陸出大秦國在海島有大樹  
枝葉正如古松生于沙中盛夏木膠流出沙上狀如塊  
膠夷人采取賣與商賈無賈則自食之氣味微溫無毒  
主風水毒腫去惡氣伏尸癰癧癩毒治耳聾中風口噤  
不語婦人肉氣止大腸洩瀉療諸瘡令內消能發酒理  
風冷下氣益精補腰膝治腎氣止霍亂衝惡中邪氣心  
腹痛疰氣長血活血定痛伸筋治婦人產難折傷  
真  
元中蜀郡有僧志功言住寶相寺持經夜久忽有飛蟲  
五六枚大如蠅金色迭飛燈焰或蹲于柱花上鼓翅與  
火一色久乃滅焰中如此數夕童子擊墮一枚乃薰陸

廣羣芳譜

卷八

乳香沒藥 麒麟竭

一



廣群芳譜 藥譜八  
香也亦無形狀自是不復見

沒藥

本草綱目

沒藥

一作末藥  
皆梵言也

蘇頌曰今南海諸國及廣

州或有之木之根株皆如橄欖葉青而密歲久者則有  
脂液流淌在地下凝結成塊或大或小亦類安息香采  
無時按一統志云沒藥樹高大如松皮厚二三寸采時  
掘樹下為坎用斧伐其皮脂流於坎旬餘方取之氣味  
苦平無毒破血止痛療金瘡杖瘡諸惡瘡痔漏卒下血  
目中翳暈痛膚赤破癥瘕宿血損傷瘀血消腫痛治心  
膽虛肝血不足墮胎及產後心腹血痛

騏驎竭

本草綱目

騏驎竭

一名血竭

騏驎馬名也此物如乾  
血故謂之血竭曰騏驎

者隱蘇頌曰南番諸國及廣州皆有之木高數丈婆娑

可愛葉似櫻桃而有三角其脂液從木中流出滴下如  
膠飴狀久而堅凝乃成竭赤作血色采無時按一統志  
云血竭樹畧如沒藥樹其肌赤色采法亦於樹下掘坎  
斧伐其樹脂流於坎旬日取之多出大食諸國今人試  
之以透指甲者為真氣味甘鹹平無毒治心腹卒痛金  
瘡血出破積血止痛生肉去五臟邪氣傷折打損一切  
疼痛血氣攪刺內傷血聚補心包絡肝血不足益陽精  
消陰滯氣

阿魏

廣群芳譜

藥譜八

騏驎竭


阿魏

五



西陽雜俎阿魏木出伽闍那國即北天竺也伽闍那呼為形虞亦出波斯國呼為阿虞截樹長八九丈皮色青黃三月生葉似鼠耳無花實斷其枝汁如節久乃堅疑名阿魏拂林國僧轡所說同摩伽陀國僧提婆言取其汁如米豆屑合成阿魏 本草綱目阿魏一名薰渠一名哈昔泥 夷人自稱曰阿此物極臭阿之所畏也經以和料其根名穩展以淹羊肉甚香美 蘇恭曰生西番及崑崙苗葉根莖酷似白芷搗根汁日煎作餅者為上截根穿暴乾者為次體性極臭而能止臭又婆羅門云薰渠即是阿魏取根汁暴之如膠或截根日乾並極臭西國持呪人禁食之常食用之云去臭氣陳承曰今江浙人家亦種之枝

葉香氣皆同而差淡薄但無汁膏李時珍曰阿魏有草木二種草者出西域可曬可煎木者出南番取其脂汁校一統志所載有此二種云出火州及沙鹿海牙國者草高尺許根株獨立枝葉如蓋臭氣逼人取其汁熬作膏名阿魏出三佛齊及暹羅國者樹不甚高土人納竹筒于樹內脂滿其中冬月破筒取之其樹低小如枸杞牡荊之類西南風土不同故或如草如木也氣味辛平無毒殺諸小蟲去臭氣破癥積下惡氣除邪鬼蠱毒治風邪鬼疰心腹中冷傳尸冷氣辟瘟治瘧霍亂心腹痛腎氣癰瘡禦一切葷菜毒解自死牛羊馬肉諸毒消肉積





盧會

本草綱目盧會一名奴會一名訥會一名象膽陳藏器曰

俗呼為象膽以李珣曰盧會生波斯國狀似黑錫乃樹

脂也蘇頌曰今惟廣州有來者其木生山野中滴脂淚

而成采之不拘時月李時珍曰一統志云瓜哇三佛齊

諸國所出者乃草屬狀如蠶尾采之以玉器搗成膏氣

味苦寒無毒治熱風煩悶胸膈間熱氣明目鎮心小兒

癩癩驚風瘰癧五疳殺三蟲及痔病瘡癩解巴豆毒除鼻

癢傳蠶齒治濕癩出黃汁

黃蘗

原黃蘗俗作黃柏一名蘗木根名檀桓出邵陵者輕薄色深

為勝出東山者厚而色淺樹高數丈葉似吳茱萸亦如

紫椿經冬不凋皮外日裏深黃色厚二三分二月五月

采皮陰乾性苦寒無毒洩伏火補腎水堅腎壯骨治衝

脈氣逆不渴而小便不通消五臟腸胃中結熱黃疸除

骨蒸瀉膀胱相火得知母滋陰降火得蒼水除濕清熱

為治痿要藥得細辛瀉膀胱火治口舌生瘡金張元素

曰黃蘗之用有六瀉膀胱心火一也利小便結二也除

下焦濕腫三也痢疾先見血四也臍中痛五也補骨壯

骨髓六也凡膀胱腎水不足諸痿厥腰無力干黃芪湯

中加用使兩足膝中氣力涌出痿軟即去乃癰瘡必用

之藥明李時珍曰古書言知母佐黃柏滋陰降火有金

黃蘗



水相生之義黃柏無知母猶水母之無蝦蓋黃柏能制膀胱命門陰中之火知母能清肺金滋腎水之化源氣為陽血為陰邪火煎熬則陰血漸涸故陰虛火動之病須之非陰中之火不可用又必少壯氣盛能食者用之相宜若中氣不足邪火熾甚者久服有寒中之變

**考** 臆間紀聞古人寫書皆用黃紙以藥染之所以辟蠹故曰黃卷

**別錄** 修治炮炙論云削去麤皮用生蜜水浸半日曬乾每五兩用蜜三兩塗之文武火炙令蜜盡為度李時珍云黃藥性寒而沉生用降實火熟用不傷胃酒制浴上鹽制治下蜜制治中

小藥

**本草綱目** 小藥一名子藥一名山石榴 此與金縷子杜鵑花並各

山石榴非一物也 蘇恭曰生山石間所在皆有襄陽峴山東者為良其樹枝葉與石榴無別但花異子細黑圓如牛李子及女貞子爾李時珍曰其皮外白裏黃狀如藥皮而

薄小氣味苦大寒無毒治口瘡疔蠹殺諸蟲去心腹中熱氣治血崩

**厚朴**

**雅** 重皮厚朴也 **漢書注** 朴木皮也此藥以皮為用而皮厚故呼厚朴 **本草綱目** 厚朴一名烈朴一名赤朴一名厚皮樹名榛子名逐折 其木質朴而皮厚味辛烈而色紫赤故有

厚朴一名厚皮樹名榛子名逐折

厚朴



厚朴烈蘇頌曰以梓州龍州者為上木高三四丈徑一  
赤諸名蘇頌曰以梓州龍州者為上木高三四丈徑一  
二尺春生葉如檉葉四季不凋紅花而青實皮極鱗皴  
而厚紫色多潤者佳薄而白者不堪李時珍曰朴樹膚  
白肉紫五六月開細花細實如冬青子生青熟赤有核  
七八月采之味甘美皮氣味苦溫無毒治中風傷寒頭  
痛寒極驚悸氣血痺死肌去三蟲溫中益氣消痰下氣  
療霍亂腹痛脹滿胃中冷逆洩痢淋露反胃轉筋瀉勝  
胱及五臟一切氣消宿食去結水破宿血化水穀止吐  
酸水大溫胃氣

**彙考** 溫公詩話文德殿百官常朝之所也宰相奏事  
畢乃來押班常至日盱守堂卒好以厚朴湯飲朝士朝

士有久無差遣厭苦常朝者戲為詩曰立殘階下梧桐  
影喫盡街頭厚朴湯亦朝中之實事也

杜仲

**廣雅** 杜仲曼榆也 **原** 一名思仲一名思仙一名木

棉一名棉 本草綱目云昔有杜仲服此得道因以名之  
思仲思仙皆此義其皮中有銀絲如綿故曰

木漢中建平宜都者佳脂厚潤者良豫州山谷及上黨

商州陝州亦有之樹高數丈葉類柘又似辛夷江南謂

之棉初生嫩葉可食謂之棉牙花實名逐折味苦澀亦

堪入藥木可作屐益脚皮色紫而潤狀如厚朴而更厚

折之多白絲相連如綿二五六月皆可採味甘微辛

氣溫平甘溫能補微辛能潤故能潤肝而補腎主補中

厚朴 杜仲 秦皮



益精治腰膝痛堅筋骨強志療腰腎脊攣潤肝燥補肝  
經風虛葉作蔬去風毒脚氣久積風冷

**別錄**原修治凡使削去麤皮每一斤用酥一兩蜜三兩  
和塗火炙以盡為度細剉用

秦皮

**增**本草綱目秦皮一名檉皮一名檉木一名石檀一名

樊槻一名益桂一名苦樹一名苦櫪秦皮本作檉皮其

人訛為檉木又訛為秦木或云木出秦地故得秦名高

誘注淮南子云檉苦櫪木也蘇恭云樹葉似檀故名石

檀俗因味苦呼為苦樹蘇恭曰此樹似檀葉細皮有白點而不麤

錯取皮漬小便碧色書紙看之皆青色者是真蘇頌曰

其木大似檀枝幹皆青綠色葉如匙頭虛大而光

竝無花實根似槐根俗呼為白檉木氣味苦微寒無毒

治風寒濕痺除熱目中青翳白膜久服頭不白輕身可

作洗目湯

**彙考**增淮南子夫檉木色青翳而羸瘡蝟眈此皆治目

之藥也人無故求此物者必有蔽其明者

阜角

原阜角一名阜莢一名烏犀一名懸刀一名雞棲子本

綱目云莢之樹阜故名廣志謂之雞棲子所在有之樹

會氏方謂之烏犀外丹本草謂之懸刀

高大葉如槐葉瘦長而尖枝間多刺夏開細黃花結實

有三種一種小如猪牙一種長而肥厚多脂而黏一種

長而瘦薄枯燥不黏以多脂者為佳不結實者鑿一孔

秦皮

阜角

十



人生鐵三五斤泥封之即結性辛鹹溫有小毒通關節  
破堅癥通肺及大腸氣治咽喉痺塞痰氣喘咳風癘疥  
癬下胞衣墮胎

**神仙傳**左親騎軍崔言一日得大風惡疾雙目

昏盲眉髮自落鼻梁崩倒勢不可救遇異人傳方用阜

角刺三斤燒灰蒸一時久日乾為末食後濃煎大黃湯

調一七飲之一旬眉髮再生肌潤目明後入山修道不

知所終 **墨客揮犀**唐華清宮今靈泉觀也七聖殿

之西南隅數十步間有阜角一株合數人抱枝幹頗瘁

相傳明皇洎貴妃共植於此每歲結實必有十數菜合

歡者京兆尹命老卒數人守視之移接於他樹則不復

合歡也

**七言絕句** **宋張耒**阜莢樹畿縣塵埃不可論故

山喬木尚能存不緣去垢須青莢自愛蒼鱗百歲根

**採取**樹多刺難上採時以篋籠其樹一夕盡落

**修治**阜莢取赤肥不蛀者新汲水浸一宿銅刀削去

鱗皮以酥反復炙透去子莖每一兩酥五錢又有蜜炙

絞汁燒灰之異各依方法 子揀圓滿堅硬不蛀者瓶

煮熟剝去硬皮取向裏白肉兩片去黃以銅刀切曬用

**禁忌**阜角與鐵有相感召處鐵砧槌阜角即自損鐵

碾碾之久則成孔鐵鍋爇之多爆片落 製用搗暑久

雨時阜莢合蒼木燒煙辟瘟疫邪濕氣 阜莢浸酒中

阜角 波斯阜莢



取盡其精煎成膏塗帛宜貼一切腫毒 子炒春去赤皮水浸軟煮熟糖漬食疏導五藏風熱 **翰墨叢記** 淮南人藏鹽酒蟹凡一器十隻以阜莢半挺置其中則經歲不壞

附錄 波斯阜莢

**西陽雜俎** 波斯阜莢出波斯國呼為忽野詹默拂林呼為阿梨去伐樹長三四丈樹四五尺葉似鉤緣而短小經寒不凋不花而實其莢長二尺中有隔隔內各有一子大如指頭赤色至堅硬中黑如墨甜如飴可噉亦入藥用 **本草拾遺** 一名阿勃勒狀如阜角而圓長味甘好喫

附錄 鬼阜莢

**西陽雜俎** 鬼阜莢生江南地澤如阜莢高一二尺沐之長髮亦去衣垢

附錄 肥阜莢

**本草綱目** 肥阜莢生高山中其樹高大葉如檀及阜莢葉五六月開白花結莢長三四寸狀如雲實之莢而肥厚多肉內有黑子數顆大如指頭不正圓其色如漆而甚堅中有白仁如栗煨熟可食亦可種之十月采莢煮熟搗爛和白麩及諸香作丸澡身面去垢而膩潤勝于阜莢也氣味辛溫微毒去風濕治下痢便血瘡癬腫

毒

廣羣芳譜

藥譜

鬼阜莢

肥阜莢

酸角

十一



附錄酸角

雲南志臨安府出酸角如阜角而小味酸

訶黎勒

南方草木狀訶黎勒樹似木椀花白子形如椀椀六  
路皮肉相著可作飲變白髭髮令黑出九真 本草綱  
目訶黎勒一名訶子 訶黎勒梵言  
天主持來也 蘇頌曰嶺南皆有而  
廣州最盛子形如椀子椀椀青黃色七八月實熟時采  
未熟時風飄墮者謂之隨風子暴乾收之益小者彼人  
尤珍貴之氣味苦溫無毒治冷氣心腹脹滿下食破胸  
膈結氣下宿物止腸癖久洩赤白痢消痰活水調中止  
嘔吐霍亂心腹虛痛奔豚腎氣

嶺南異物志廣州法性寺有訶黎勒四五十株  
子極小而味不澁皆是六路每歲州貢只以此寺者寺  
有古井木根蘸水水味不鹹每子熟時有佳客至則院  
僧煎湯以延之其法用新摘訶子五枚甘草一寸破之  
汲井水同煎色若新茶

五言排律 唐包佶抱病謝李吏部贈訶黎勒葉  
一葉生西徼齋來上海查歲時經水府根本別天涯方  
士真難見商胡輒自誇比香同異域看色勝仙家茗飲  
普調氣梧丸喜伐邪幸蒙却老疾深願駐韶華

炮炙論凡用訶黎勒酒浸後蒸一伏時刀削去  
皮取肉剉焙用用核則去肉



婆羅得

**增**本草綱目婆羅得一名婆羅勒婆羅得梵言李珣曰

婆羅得生西海波斯國樹似中華柳樹子如葶麻子氣味辛溫無毒治冷氣塊溫中補腰腎破疔瘕可染髭髮令黑

巴豆

**增**本草綱目巴豆一名巴菽一名剛子一名老陽子此物

出巴蜀而形如菽豆故名宋本草一名巴椒菽字之訛也蘇頌曰嘉州戎州眉州皆有之木高一二丈葉似櫻桃而厚大初生青色後漸黃赤至十二月葉漸凋二月復漸生四月舊葉落盡新葉齊生即花發成穗微黃色五六月結實作房生青至八

月熟而黃漸漸自落乃收之一房有二瓣一瓣一子或三子仍有殼戎州出者殼上有縱文隱起如線一道至兩三道土人呼為金線巴豆最為上等氣味辛溫有毒治傷寒溫瘧寒熱破癥瘕結聚堅積留飲痰癖開通五臟六腑閉塞利水穀道去惡肉除鬼毒蠱疰邪物殺蟲魚蛟用則有馘亂劫病之功微用亦有撫綏調中之妙

**稽神錄**明經趙瑜魯人累舉不第困厄甚矣因遊泰山祈于嶽廟將出門忽有小吏自後至曰判官召隨之而去奄至一廳事良久聞簾中檢閱簿書既而言曰君命生至薄名與祿仕皆無分今此見告當有以奉濟今以一藥方授君君以此給足衣食然不可置家置

大風子



家則貧矣瑜拜謝而出至門外空中飄大桐葉至乃書  
巴豆丸方于其上與人間之方正同瑜遂稱前長水令  
賣藥于夷門市餌其藥者病無不愈獲利甚多道士李  
德陽親見其桐葉已十餘年尚如新折者 [隣幾雜誌  
吳冲卿說其先君為瑞昌令一卒力啗巴豆如松子問  
其由始用飯一盤巴豆兩粒漸加巴豆減飯積以歲月  
至於純食巴豆此亦習噉葛之類

大風子

大風子出海南諸番國乃大樹之子狀如椰子而圓  
中有核數十枚大如雷丸子中有仁白色久則黃而油  
不堪入藥氣味辛熱有毒取油治瘡有殺蟲之功不可

多服或至喪明用之外塗功不可沒

別錄原修治取油法用子二三斤去殼及黃油者研極  
爛盛磁器中封口入滾湯中蓋鍋密封勿令透氣文武  
火煎至黑色如膏名大風油以和藥

海紅豆

增南州異物記海紅豆生南海人家園圃中大樹而生  
葉圓有莢近時蜀中種之亦成 [益都方物畧記紅豆  
葉如冬青而圓澤春開花白色結莢枝間其子累累而  
綴珠若大紅豆而扁皮紅肉白以似得名蜀人用為果  
餌 [本草綱目紅豆樹高二三丈葉似黎葉而圓氣味  
微寒有小毒治人黑皮野豔花癩頭面遊風宜入面藥

廣群芳譜

卷八

大風子海紅豆相思子

十五



及澡豆

**集藻贊** **增** 宋宋祁紅豆贊葉圓以澤素蘄春敷子生莢間纍纍綴珠

相思子

**增** 本草綱目相思子一名紅豆古今詩話云相思子圓而紅故老言昔有人歿於邊其妻思之哭於樹下而卒因以名之生嶺南樹高丈餘白色其葉似槐其花似阜茨其莢似扁豆其子大如小豆半截紅色半截黑色彼人以畝首飾段公路北戶錄言有蔓生用子收龍腦香相宜令香不耗也氣味苦平有小毒通九竅去心腹邪氣止熱悶頭痛風痰瘴瘧殺腹臟及皮膚內一切蟲除蠱毒取二七枚研服即吐出

猪腰子

**增** 本草綱目猪腰子生柳州蔓生結莢內子大若猪之內腎狀酷似之長三四寸色紫而肉堅彼人以充土宜饋送中土氣味甘微辛無毒治一切瘡毒及毒箭傷

金櫻子

**增** 本草綱目金櫻子一名刺梨子一名山石榴一名山頭雞子金櫻當作金罌謂其子形如蘇頌曰叢生郊野黃罌也石榴雞頭皆象形也中大類薔薇有刺四月開小白花夏秋結實亦有刺黃赤色形似小石榴李時珍曰花最白膩其實大如指頭狀如石榴而長其核細碎而有白毛氣味酸濇平無毒治脾洩下痢止小便利瀉精氣久服耐寒輕身

猪腰子 金櫻子

七



宋黃庭堅和孫公善李仲同金櫻餠  
唱酬二首人生欲長存日月不肯遲百年風吹過忽成  
甘蔗泮傳聞上世士烹餌草木滋千秋垂綠髮每恨不  
同時李侯好方術肘後探神奇金櫻出皇墳刺橐攬霜  
枝寒臈司火候古鼎凍膠節初嘗不可口醇酒和味宜  
至今身七十孺子色不衰田中按耘粗孫息親抱持却  
笑隣舍翁未老須杖藜 假手富春公秋毫聽民詞夙  
夜臨公廳歸臥酸體肢李侯來饋藥期以十日知深中  
護靈根金鑲祕玉符不須許斧子辛勤來玉芝我方困  
健訟搗翁爭一錐不能鳴絃坐頗愧巫馬期敢乞刀圭  
餘歸和卯飲卮儻令憂民病從此得國醫

七言絕句 宋謝道探金櫻子三月花如蒼葡萄香霜中

採實似金黃煎成風味亦不淺潤色猶煩顧長康

詩散句 宋楊萬里霜紅半臉金櫻子

衛茅

本草綱目 衛茅一名鬼箭一名神箭 劉熙釋名言齊  
此物除有直羽如箭羽矛刃自衛之狀故名張揖廣雅  
謂之神箭寇宗奭衍義言人家多燔之遺崇則三名又  
或取此 蘇頌曰生山石間小株成叢春長嫩條條上四  
面有羽如箭羽視之若三羽青葉狀似野茶對生味酸  
濇三四月開碎花黃綠色結實大如冬青子氣味苦寒  
無毒除邪殺鬼毒蠱疰治婦人血氣

五加

金櫻子 衛茅 五加





原五加一名文章草一名金玉香草一名金鹽一名五花一名追風使一名豺漆一名豺節一名五佳一名白刺一名木骨本草綱目云此藥以五葉交加者良故名葉者佳故也蜀人呼為白刺異物志名文章草本草豺漆豺節之名不知何義蘇頌圖經云蘄州人呼為木首吳中俗名追風使江淮湖南州郡皆有之春生苗莖葉皆青作叢苗莖俱有刺類薔薇長者至丈餘葉五出香氣似橄欖春時結實如豆粒而扁色青得霜乃紫黑根類地骨皮輕脆芬香一云生南方者微白而柔韌大類桑白皮生北方者微黑而硬入藥用南方者苗可作茹用皮浸酒久服輕身耐老明目下氣補中益精堅筋強志意黑鬚髮令人有子或只為散代茶餽之亦驗

**彙考** 煮石經舜嘗登蒼梧之山曰厥金玉之香草朕欲偃息正道此五加也又異名曰金鹽昔西域真人王屋山人王常曰何以得長久何不食石蓄金鹽何以得長壽何不食石用玉豉玉豉者即地榆也五加地榆皆是煮石而餌得長生之藥也昔尹公度聞孟綽子董士固相與言曰寧得一把五加不用金玉滿車寧得一斤地榆安用明月寶珠 昔魯定公母服五加酒以致不死尸解而去 張子聲楊建始王叔牙于世彥等皆服此酒而房室不絕得壽三百年有子二十人世人服而延年者甚衆 真人王常云五加者五車之星精也水應五湖人應五德位應五方物應五車故青精入莖則



有東方之液白氣入節則有西方之津赤氣入華則有南方之光玄精入根則有北方之炁黃煙入皮則有戊巳之靈五神鎮主轉相育成餌之者真仙服之者反嬰

**集藻贊**

漢譙周文章草贊文章作酒能成其味以金

買草不言其貴

**別錄**原種植深掘肥地每二尺埋一根令沒舊痕甚易

活苗生從一頭剪訖鋤土壅之五月採莖十月採根皆取皮陰乾製用造酒方用五加皮洗淨去骨莖葉亦可以水煎汁和麴釀米酒成時時飲之亦可煮酒飲加遠志為使更良一方加木瓜煮酒服談野翁試驗方云神仙煮酒法用五加皮地榆刮去麤皮各一斤袋盛入

無灰好酒二斗大罈封固安大鍋內文武火煮罈上安米一合米熟為度取出入水中三日出火毒以渣曬乾為丸每旦服五十九藥酒送下臨臥再服能去風濕壯筋骨順氣化痰添精補髓久服延年益壽功難盡述王綸醫論云風病飲酒能生痰火惟五加皮一味浸酒日飲數杯最有益諸浸酒藥惟五加皮與酒相合且味美也

枸杞

**原**枸杞一名枸櫞爾雅云杞枸櫞一名枸棘一名天精廣韻云春名天精子夏名枸一名地仙一名却老杞秋名却老枝冬各地骨皮本草綱目一名地輔一名枸杞一名却暑一名苦杞一

五加皮

枸杞

七






名地節一名羊乳一名仙人杖一名西王母杖 **原** 枸  
杞二木名此物棘如枸之刺莖如杞之條故兼二名處  
處有之春生苗葉如石榴葉而軟薄堪食俗呼為甜菜  
其莖幹高三五尺叢生六七月開小花淡紅紫色隨結  
實微長生青熟紅味甘美根名地骨根之皮名地骨皮  
古以韋山者為上近時以甘州者為絕品今陝之蘭州  
靈州以西并是大樹葉厚根麤河西及甘州者子圓如  
櫻桃曝乾緊小紅潤甘美可作果食花葉根實並用益  
精補氣不足悅顏色堅筋骨黑鬚髮耐寒暑明目安神  
輕身不老葉甘涼除煩益志壯心氣益精解熱補五勞  
七傷去皮膚骨節間風消麪毒散瘡腫去上焦心肺客

熱和羊肉作羹益人忌與乳酥同食皮甘淡寒解骨蒸  
肌熱消渴風濕痺堅筋骨涼血挫拌麪者熱吞之去腎  
家風益精氣治金瘡去下焦肝腎之虛熱子味甘而潤  
注滋而補不能退熱止能補腎潤肺生精益氣乃平補  
之藥所謂精不足者補之以味也諺云去家千里莫食  
枸杞言無所用其補益也其莖堅硬者可作拄杖  
**易** 姤卦以杞包瓜註杞之為物生於肥地者也  
疏薛虞記云杞杞柳也案王氏云生於肥地蓋以杞為  
今之枸杞也 **原** 詩小雅集于苞杞 陟彼北山言采  
其杞 南山有杞 薄言采杞于彼新田于此菑畝  
濕有杞棗 **續神仙傳** 朱孺子嘉女國人幼事道士王

枸杞

三





玄真居大箬巖常登山嶺采黃精服餌一日就溪濯蔬  
忽見岸側有二小花大相趨孺子異之乃尋逐入枸杞  
叢下歸語玄真訝之遂與孺子俱往伺之復見二犬戲  
躍逼之又入枸杞下玄真與孺子共尋掘乃得二枸杞  
根形狀如花大堅若石洗挈歸煮食之俄頃而孺子忽  
飛昇在前峯上玄真驚異久之孺子謝別玄真昇雲而  
去今俗呼其峯爲童子峯 圖經本草蓬萊縣南丘村  
多枸杞高者一二丈其根盤結甚固其鄉人多壽考  
潤州開元寺大井傍生枸杞歲久土人目爲枸杞井云  
飲其水甚益人也 增 夢溪筆談枸杞陝西極邊生者  
高丈餘大可作柱葉長數寸無刺根皮如厚朴甘美異

于他處千金翼云枸杞出甘州者爲真葉厚大者是大  
體出河西諸郡其次江池間硬上者實圓如櫻桃全少  
核暴乾如餅極膏潤有味 東坡集蜀青城山老人村  
有五世孫者道極險遠生不識鹽醢而溪中多枸杞根  
如龍蛇飲其水故壽近歲道稍通漸能致五味而壽益  
衰 賈耳錄慕內相崇禮在太學前廊裕陵有進枸杞  
根如犬大作賀表學官令前廊撰述皆不下筆慕欣然  
當之其用一句靈根夜吠舉學皆服用東坡詩云靈虬  
或夜吠又出白樂天枸杞詩因此後登玉堂 茅亭夜  
話華陽邑村民段九者常入山野中採枸杞根莖貨之  
有年矣因於紫山脚下見枸杞一株甚大遂斲之根本



怪異不類常者長尺餘四莖如四足兩莖如頭尾若一獸形持歸村舍家狗吠之不已至夜四隅村落羣狗聚而吠之終夕不輟不堪其喧也遲明妻怒將充朝爨羣狗乃不復吠矣休復見道書云枸杞茯苓人參薯藥朮等形有異者餌之皆獲上壽或除嗜慾啻神抱和則必有真靈降顧接引爲地仙爾  
〔浩然齋日抄〕徽宗時順州築城得枸杞于土中其形如葵狀馳獻闕下乃仙家所謂千歲枸杞其形如犬者也

**集藻賦** 宋史子玉枸杞賦有序 史子分教劍庠之明年日告踰月廢卷默坐客有告之曰茲土之宜杞根實繁產諸洋林尤腴而美揆之本草明目養神盍試其味

尋命僮僕則取之不竭食之既厭而昏者開翳者鮮矣於是作而歎曰是物也不假種植沾濡雨露芬敷自榮其功效足以回光返照如此況出於輔之翼之長之養之者豈不足以備明時之采擇哉有感而爲之賦曰當春用事肝怙勢而驕厥火彌壯用弗利乎眸紫珍兮塵漫望舒兮雲浮熨之平之濯之冷之計屢施而罔功書旣展而復收其誰巧運乎金篦抑將乞諸其龍湫者也客莞爾而笑曰洋宮耽耽靈根萃止匪藻匪芹強名曰杞或云羊乳亦曰狗忌其效伊何未易殫紀於以安神於以輕體至於瑩秋水之神而爛巖電之光則又其效驗之細者也子居是間左抽右取不費一錢多取其數



餐厥英還爾明爲子之計不亦近而易行乎應之日廣  
文一寒飯嘲不足信如子言載采盈掬因以比離婁之  
目且不負將軍之腹豈不魚熊之兼得又何必空糜乎  
廩祿於是叱哇丁戒僕夫搜諸荆棘之場探諸榛莽之  
區叢然而遂油然而達或壓枝以駢出或附趾而簪碧  
隨取隨足不耘不植蔓延布滿天矯瑰特有如蒙頂之  
苗而槍之始露有如楚畹之香而芽之方茁至若仙杖  
飛空髣髴鸞壽榦通靈時聞吠危幸則高人逸士襲  
其馨而挹其味不幸則樵夫野叟爨之棄而斧之戕也  
於是小摘薦至大烹可期錯落琉璃之碎青蔥雨露之  
滋潤寒庖之屢空笑盛饌之莫知燎南山之煤罌西澗

之水潔蠲瓦缶酌中火劑登俎過熟噴香霧之蒙花梔  
箸頓空覺餘糝之滑美混甘苦而爽口逼寒涼而鼓齒  
知再飯之幾如陋八珍之鮮味朝焉咀英暮焉茹挽曾  
不論乎韭菘又何數乎蓴苡殆不可無此君於一日又  
何拘乎去家之一思惜乎首陽之夫貪采薇而遂足商  
巖之老厭噉芝而遂止秦人之炙夫何太俗相如之渴  
胡不嗜此哉已而心體舒逸神情爽塏湧真水於玉池  
炯夜光於銀海客不予欺遜而謝之荷神農之知音悵  
離騷之偶遺雖則一草之微無庸多談感物悟理斯有  
可觀彼弗種而然矧種之者乎彼弗養而然矧養之者  
乎所以菁莪誦育才之樂棫樸歌官人之能行有枝葉



可使秀亂苗之去仁在乎熟深懼茅塞子之心維杞維梓扶而養之一薰一蕕疏而別之自本自根種而茂之孝弟忠信培而植之師友淵源灌而溉之先王遺言饜而飫之散柯布葉日積月長摩厲青冥直干霄漢股肱心膂無施不可如此則劔山之植物豈但收近效於眸子瞭焉而記哉

五言古詩 **增** 宋梅堯臣舟中行自采枸杞子野岸竟多杞小實霜且丹繫舟聊以掇粲粲忽盈盤助吾苦羸爾豈必採琅玕自異驕華人百金求祕丸昔聞王子喬上帝降玉棺此焉即不免但願在世安 **原** 蘇軾小圃枸杞神藥不自閔羅生滿山澤日有牛羊憂歲有野火厄

越俗不好事過眼等茨棘青黃春自長絳珠爛莫摘短籬護新植紫笋生臥節根莖與花實收拾無棄物大將立吾髻小則餉我客似聞朱明洞中有千年質靈虬或夜吠可見不可索仙人可許我借杖扶衰疾 **增** 黃庭堅顯聖寺庭枸杞仙苗壽日月佛界承露雨誰為萬年計乞此一坏土扶疎上翠蓋磊落綴丹乳去家尚不食出家何用許政恐落人間采剝四時苦養成九節杖特獻西王母

七言古詩 **增** 宋蘇軾周教授索枸杞因以詩贈錄呈廣粹蕭大夫鄴侯藏書手不觸嗟我嗜書終日讀短檠照字細如毛怪底昏花懸兩目扶衰賴有玉母杖名字於





今挂仙籙荒城古塹草露寒碧葉叢低紅菽粟春根夏  
苗秋著子盡付天隨耻充腹蘭傷桂折緣有用爾獨何  
損丹其族贈君慎勿比薏苡采之終日不盈芻外澤中  
乾非爾儔斂藏更借秋陽暴雞壅桔梗一稱帝堇也雖  
尊等臣僕時復論功不汝遺異時謹事東籬菊 原楊  
萬里題張似道寒綠軒菊芽伏土摻青粟杞笋傍根埋  
紫玉雷聲一夜雨一朝森然迸出如蕨苗先生肌腸詩  
作梗小摘珍芳汲水井風爐蟹眼候松聲罽籥親撈微  
帶生爛炊雕胡浙青精芼以天隨寒綠萌飢時作壘仍  
作羹飽後龍鳳同庖烹大官蒸羊壓花片宰夫脯蹠削  
瓊軟豹胎熬出禍胎來貴人有眼何曾見天隨尚有愁

作魔愁杞作棘刺作莎君不見黃金錢照紅玉豆秋高  
更覺風味多先生釀金煉紅玉自莎自棘如予何金空  
玉盡苗復出喫苗喫花并喫寶天隨白眼屠沽兒不道  
有人頭上立

七言律詩 原唐劉禹錫楚州開元寺北院枸杞臨井繁  
茂可觀羣賢賦詩因以繼和僧房藥樹依寒井井有香  
泉樹有靈翠黛葉生籠石螿殷紅子熟照銅瓶枝繁本  
是仙人杖根老新成瑞犬形上品功能甘露味還知一  
勺可延齡 宋楊萬里嘗枸杞芥花菘苔餞春忙夜吠  
仙苗喜晚嘗味抱土膏甘復脆氣含風露噉猶香作藟  
淡著微施酪芼茗臨時莫過湯却憶荆溪古城上翠條



紅乳摘盈箱 增明吳寬謝顧良弼甘州枸杞畦間此種看來無綠葉尖長也自殊似取珊瑚沉鐵網空將蕙苾作明珠菊苗同摘憑誰賦藥品兼收正爾須曾是老人宜服食只今衰病莫如吾

五言排律 原唐孟郊井上枸杞架深鎖銀泉蟄高葉架雲空不與凡木並自將仙蓋同影疎千點月聲細萬條風迸子鄰溝外飄香客位中花杯承此飲椿歲小無窮七言絕句 增唐白居易和郭使君題枸杞山陽太守政嚴明吏靜人安無犬驚不知靈藥根成狗怪得時聞吠夜聲

詩散句 增宋張耒江臯春氣足佳杞蕃新苗老柈飽霜

露餘滋發柯條神農不吾欺誇譽何怵怵堅筋及奔馬

瑩日察秋毫 增曾肇腹飽仙人杖心存姹女丹 朱子

雨餘芽甲翠光勻杞菊成蹊亦自春 陸游雪霽茆堂

鐘磬清晨齋枸杞一杯羹 蘇軾新芽摘杞叢

別錄 原移植揀好地熟廩加糞逐畦開深七八寸取枸杞連莖判四寸長以草索束如碗大壟中立種相去尺

許調爛牛糞如稀糊灌束上令滿滅則更灌以肥土壅

滿更加熟牛糞然後灌水不久即生極肥嫩從一頭割

如翦非法種半畝料理如法可供數人割時以早朝為

佳避熱及雨須與地面平高留則無葉深翦則傷根要

數鋤壅灌每月一加糞尤妙 種子取枸杞於水盆內

廣群芳譜 卷八 枸杞

三





採去皮取子曝乾斵肥地作畦畦中去土二三十寸仍深  
斵熟加糞用二月初一日撒子如種菜法又以爛牛糞  
蓋之又蓋土一層令與畦平苗出頻澆之當年疎瘦二  
年以後悉肥可作菜食割如土法一年但五度不可過  
勿令長不堪食如食不盡卽剪作乾菜以備冬用如此  
從春及秋其苗不絕其根年年生發可備常用 辨訛  
葉厚而長梗上無刺者枸杞葉圓梗上有刺者名白棘  
味辛苦麻人不堪服慎之 製用養生雜纂採枸杞子  
紅熟者去蒂水淨洗瀝乾砂盆內爛研以細布袋盛濾  
去滓沉清一宿去清水若天氣稍暖更不待經宿人銀  
石器中慢火熬成膏不住手攪之勿黏底候稀稠得所

瀉向新瓷瓶中盛之蠟紙封勿令透氣每日早朝溫酒  
下二大匙夜臥再服百日身輕氣壯耳目聰明鬚髮烏  
黑 歲時記澡浴除病正月一日二月二日三月三日  
四月四日以至十二月十二日皆用枸杞葉煎湯洗澡  
令人光澤百病不生 九月上戌日采枸杞十月上亥  
日製服 法天生意廿一日枸杞煎湯沐浴令人不病  
不老 十月壬癸日而東采枸杞子二升以好酒五升  
磁瓶內浸二十一日開封入生地黃汁三升攪勻以紙  
三重封口更浸候至立春前三日開瓶空心暖飲一杯  
至立春後鬚髮却黑補益精氣服之耐老輕身忌食蘿  
蔔蕪夷 十四日取枸杞煎湯沐浴令人光澤不老



十一月初十日十二月除夜取枸杞煎湯沐浴令人光澤不病不老去災

**外臺祕要**枸杞酒補虛損去勞熱長肌肉益顏色肥健人止肝虛目淚用生枸杞子五升搗破絹袋盛浸好酒二斗中密封勿洩氣二七日服之

**養病漫筆**枸杞子榨油點燈觀書能益日力

**澠疏**一名楊櫨一名牡荆一名空疏皮白中空

時時有節子似枸杞子冬月熟赤色味甘苦 **名醫別錄**澠疏一名巨骨味苦微寒無毒治皮膚中熱除邪氣止遺溺利水道除胃中熱下氣可作浴湯

楊櫨 與上澠疏名同物異

**唐本草**楊櫨一名空疏所在皆有生籬垣間其子為莢葉氣味苦寒有毒治疽癩惡瘡水煎汁洗之立瘥

木天蓼

**本草綱目**木天蓼 其樹高而味辛如蓼故名蘇恭曰所在皆有生

山谷中今安州申州作藤蔓葉似柘花白子如棗許無定形中瓢似茄子味辛噉之以當薑蓼陳藏器曰今時所用木蓼出山南鳳州樹高如冬青不凋藤蓼生江南淮南山中藤著樹生葉如梨光而薄子如棗即蘇恭以為木天蓼者又有小天蓼生天目山四明山樹如卮子冬月不凋野獸食之是有三天蓼俱能逐風而小者為勝蘇頌曰木天蓼今出信陽木高二三丈三月四月開

廣羣芳譜 藥譜八 楊櫨 木天蓼 故杖木



花似柘花五月采子子作毬形似穀麻子可藏作果食  
李時珍曰天蓼雖有三種而功用彷彿蓋一類也其子  
可為燭其芽可食枝葉氣味辛溫有小毒治癥結積聚  
風勞虛冷細切釀酒飲

放杖木

**增**本草拾遺放杖木生溫括睦婺諸州山中樹如木天  
蓼老人服之一月放杖故以為名氣味甘溫無毒治一  
切風血理腰脚輕身變白不老浸酒服之

接骨木

**增**唐本草接骨木一名木蒴藿所在皆有之葉如陸英  
花亦相似但作樹高一二丈許木體輕虛無心斫枝扞

之便生人家亦種之氣味甘苦平無毒治折傷續筋骨  
除風痺齟齒可作浴湯葉治痰瘧

新雉木

**增**名醫別錄新雉木味苦香溫無毒主風眩痛可作沐  
藥七月采陰乾實如桃

合新木

**增**名醫別錄合新木味辛平無毒解心煩止瘡痛生遼  
東

俳蒲木

**增**名醫別錄俳蒲木味甘平無毒主少氣止煩生陵谷  
葉如柰實赤三稜



廣群芳譜 卷八 藥譜 遂陽木 學木核 桐核 木核

增名醫別錄遂陽木味甘無毒主益氣生山中如白楊葉三月實十月熟亦可食

學木核

增名醫別錄學木核味甘寒無毒主脇下留飲胃氣不平除熱如蕤核五月采陰乾

桐核

增名醫別錄桐核味苦療水身面癰腫五月采

木核

增名醫別錄木核療腸澼花療不足子瘰傷中根療腹逆氣止渴十月采

荻皮

增名醫別錄荻皮味苦止消渴白蟲益氣生江南如松葉有別刺實赤黃十月采

柵木

增海藥本草柵木皮味苦溫無毒主霍亂吐瀉小兒吐乳暖胃正氣按廣志云生廣南山野其樹如桑

乾陀木

增海藥本草按西域記云乾陀木生西國彼人用染僧褐故名乾陀褐色也樹大皮厚葉如櫻桃安南亦有皮味溫平無毒主癩瘕氣塊溫腹暖胃止嘔逆破宿血

馬瘍木

荻皮 柵木 乾陀木 馬瘍木



〔增〕本草拾遺馬瘍木根皮有小毒塗惡瘡疥癬出江南山谷樹如櫪也

角落木

〔增〕本草拾遺角落木皮味苦溫無毒主赤白痢生江西山谷似茱萸獨莖也

芙樹

〔增〕本草拾遺芙樹有大毒主風瘧偏枯筋骨攣縮癱瘓皮膚不仁疼冷等取根葉搗碎大甌蒸熟鋪牀上臥之生江南深山葉長厚冬月不凋

白馬骨

〔增〕本草拾遺白馬骨無毒燒灰塗療癰惡瘡蝕息肉白

癩風取莖葉煮汁服止水痢生江東似石榴而短小對節

慈母

〔增〕本草拾遺慈母枝葉炙香作飯下氣止渴令人不睡主小兒痰痞生山林間葉如櫻桃而小樹高丈餘

黃屑

〔增〕本草拾遺黃屑味苦寒無毒主心腹痛霍亂破血酒疸目黃及野雞病熱痢下血從西南來者並作屑染黃用之樹如檀

大木皮

〔增〕圖經本草大木生施州四時有葉無花其皮味苦澆

慈母 黃屑 大木皮






性溫無毒采無時治一切熱毒氣

茯苓

原茯苓一名伏靈一名伏菟一名松腴一名不死麴生  
深山大松下蓋古松久為人斬伐其枯槎枝葉不復上  
生者謂之茯苓撥其撥大者茯苓亦大有大如拳者有  
大如斗者外皮黑而細皺內堅白似鳥獸形人形龜形  
者為佳皆自作塊不附著根亦無苗葉花實性不朽蛀  
埋地中二三十年色性無異有赤白二種氣味甘平無  
毒白主氣赤主血白者逐水緩脾和中益氣止渴除濕  
補勞傷快腰膝利小便除虛熱赤者破結氣瀉心小腸  
膀胱濕熱利竅行水張元素謂其用有五利小便一也

開腠理二也生津液三也除虛熱四也止泄瀉五也皮  
治水腫腹脹通水道開腠理

實考 史記龜策傳著龜傳曰下有伏靈上有兔絲所  
謂伏靈者在兔絲之下狀似飛鳥之形新雨已天清靜  
無風以夜捐兔絲去之即以籥燭此地燭之火滅即記  
其處以新布四尺環置之明即掘取之入四尺至七尺  
得矣過七尺不可得伏靈者千歲松根也食之不死  
南史隱逸傳陶弘景永明十年脫朝服挂神武門上表  
辭祿詔許之賜以束帛勅所在月給茯苓五斤白蜜二  
斤以供服餌 典論 頰川郤儉能辟穀餌茯苓初儉至  
市茯苓價暴數倍 議郎李暉學郤儉辟穀食茯苓飲





水中大寒洩痢殆至殞命 博物志 神仙傳云松柏脂入地千年化爲茯苓茯苓化爲琥珀琥珀一名江珠今泰山出茯苓而無琥珀益州永昌出琥珀而無茯苓或云燒蜂巢所作 神仙傳 黃初平得仙道兄初起棄妻子就初平學共服松脂茯苓至五百歲能坐在立亡行於日中無影而有童子之色 孔元方許昌人也常服松脂茯苓松實等藥老而益少容如四十許人 原抱朴子 王子季服茯苓十八年玉女從之能影能彰不食穀炙癥滅面體玉澤 枕中記 茯苓久服百日病除二百日晝夜不眠二年役使鬼神四年後玉女來侍 增魏夫人傳 夫人志慕神仙味真耽玄欲求冲舉常服胡

麻散茯苓丸

酉陽雜俎 藥草異號絳

晨伏胎茯苓也

武攸緒隱居中岳服赤箭茯苓晚年肌肉殆盡目有紫光晝見星月又能辨數里外語 沈約 謝始安王賜茯苓一枚重十二斤八兩有表 陝州 西北白徑嶺上邏村村人田氏常穿井得一根大如臂節印中麤皮若茯苓氣似木其家奉釋有像設數十遂置於像前田氏女名登娘十六七有容質父常令供香火 經 歲餘女常見一少年出入佛堂中白衣躡履女遂私之精神舉止有異於常矣其物根每歲至春擢芽其女有娠乃以其事白於母母疑其怪常有衲僧過門其家留之供養僧將入佛宇輒爲物拒之一日女隨母他出僧入佛堂門

茯苓

三



纔啓有鴿一隻拂僧飛去其夕女不復見其怪視其根頓成朽蠹女娠纔七月產物三節其形如像前根也田氏併火焚之其怪亦絕成式常見道者論枸杞茯苓人參朮形有異服之獲上壽或不輩血不色欲遇之必能降真爲地仙矣田氏無分見怪而去宜乎 湖山勝槩無垢寺偃松下有茯苓因名泉爲茯苓泉

**集藻**

**贊原**

宋王微茯苓贊皓苓下居彤絲上蒼中狀雞

見其容龜蔡神侔少司保延幼艾終志不移柔紅可佩賦增宋蘇轍服茯苓賦有序余少而多病夏則脾不勝食秋則肺不勝寒治肺則病脾治脾則病肺平居服藥殆不復能愈年三十有二官於宛丘或憐而授之以道

士服氣法行之期年二疾良愈蓋自是始有意養生之說晚讀抱朴子書言服氣與草木之藥皆不能致長生古神仙真人皆服金丹以爲草木之性埋之則腐煮之則爛燒之則焦不能自生而况能生人乎余旣汨沒世俗意金丹不可得也則試求之草木之類寒暑不能移歲月不能敗者惟松柏爲然古書言松脂流入地下爲茯苓茯苓又千歲則爲琥珀雖非金石而其能自完也亦久矣於是求之名山屑而淪之去其脈絡而取其精華庶幾可以固形養氣延年而却老者因爲之賦以道之辭曰春而榮夏而茂惟悴乎風霜之前摧折乎冰雪之後閱寒暑以同化委糞壤而兼朽茲固百草之微細



廣羣芳譜 藥譜八  
與衆木之凡陋雖復效骨革於刀几盡性命於杵臼解  
急難於俄頃破奇邪於邂逅然皆受命淺薄與時變遷  
朝菌無日蟪蛄無年苟自救之不暇矧他人之足延乃  
欲擷根莖之么末假臭味以登仙是猶叱疲牛於千里  
駕鳴鳩而升天則亦辛勤於澗谷之底而死於峯巖之  
巔顧桑榆以竊歎意神仙之不然者矣夫南澗之松  
拔地千尺皮厚犀兕心堅鐵石鬚髮不凋蒼然獨立流  
膏液於黃泉乘陰陽而固結象鳥獸之隱伏類龜鼈之  
閉蛰外黝黑以鱗皴中潔白而純密上以匪莽之不犯下  
螻蟻之莫賊經歷千歲化爲琥珀受雨露以彌堅與日  
月而終畢故能安魂魄而定心志却五勞八與穀粒追赤

松於上古以百歲爲一息顏如處子綠髮方目神止氣  
定浮游自得然後乘天地之正御六氣之辨以遊夫無  
窮夫又何求而得食

五言古詩 唐李益罷秩後入華山採茯苓逢道者委  
綬來名山觀奇恣所停山中若有聞言此不死庭遂逢  
五老人一謂西嶽靈或聞樵人語飛去人昂星授我出  
雲路蒼然凌石屏視之有文字乃古黃庭經左右長松  
列動搖風露零上蟠千年枝陰虬負青冥下結九秋霰  
流膏爲茯苓取之沙石間異若龜鶴形况聞秦宮女華  
髮變已青有如上帝心與我千萬齡始疑有仙骨鍊魄  
可永寧何事逐豪遊飲啄以羶腥神物亦自闕風雷護



此局欲傳山中寶回策忽已暝乃悲世上人求醒終不醒  
〔宋梅堯臣尹子漸歸華產茯苓若人形者賦以贈行〕因歸話茯苓久著桐君籍成形得人物具體存標格  
神岳畜粹和寒松化膏液外凝石稜紫內蘊瓊腴白千載忽旦暮一朝成琥珀既瑩毫芒分不與蚊蚋隔拾芥  
曾未難爲器期增飾至珍行處稀美價定多益

七言古詩〔增〕宋張鎡謝李仁父茯苓〔岷峨山中千歲松枝虬幹直摩青空雪霜剝落中不槁膏液下與靈泉通龜陸鳧伏自磊砢金堅玉潔仍豐融篝明夜取喜得雋煑鼎朝聽如吟風杵成坐上香飛雪更和乳酪收全功當知至味本無味子若服之壽無窮巽巖脊梁硬如鐵

冠峨切雲佩明月百好都隨春夢空大藥獨傳鴻寶訣  
中宵咀嚼不搖頭玉池生肥燕不徹憐我百慮形蚤衰  
裏贈扶持意何切丹砂著根謾爾傳脂澤釀黍計已拙  
由來妙道初不煩此法莫從兒輩說徑思舉袂揖浮丘  
下視塵世真一呷朱顏留得亦何爲追逐同堅歲寒節  
五言律詩〔增〕唐杜甫路逢襄陽楊少府入城戲呈楊員  
外綰寄語楊員外山寒少茯苓歸來稍暄暖當爲斲青  
冥翻動神仙窟封題鳥獸形兼將老藤杖扶汝醉初醒  
七言律詩〔增〕唐吳融病中宜茯苓寄李諫議千年伏菟  
帶龍鱗太華峯頭得最珍金鼎曉煎雲漾粉玉甌寒貯  
露含津南宮已借徵詩客內署今還託諫臣飛檄愈風



知妙手也須分藥救漳濱

詩散句元袁桷南山植松苗深根生茯苓唐戴叔倫

日日澗邊尋茯苓巖扉常掩鳳山青宋蘇軾我來

徒倚長松下欲掘茯苓親洗曬陸游百尺松根結茯苓

千年長養似人形元張雨道人腰著金鴉背自向

松根洗茯苓唐李商隱碧松根下茯苓多李洞人

雲晴刷茯苓還元袁桷采苓欲取千年魄陳樵茯苓

分種傍松栽

詞宋黃庭堅鷓鴣天湯泛水甕一坐春長松林下得

靈根吉祥老子親拈出箇箇教成百歲人燈焰焰酒

醺醺壑源曾未破醒魂與君更把長生怨晁畧為清歌駐

白雲

別錄原採取視茯苓撥所在即于四面丈餘地內以鐵

錐刺地有茯苓則錐固不可拔乃掘取之二八月末陰

乾堅如石者絕勝修治凡川去皮搗細水盆中攪濁

濾去浮者此茯苓赤筋若誤服令人瞳子黑睛點小兼

盲目陶弘景曰作丸散者先煮二三沸乃切曝乾用

東坡雜記茯苓自是神仙上藥祖其中有赤筋脈若

不能去服久不利人眼或使人眼小當削去皮斫為方

寸塊銀石器中清水煮以酥軟解散為度入細布袋中

以冷水搗搜如作葛粉狀澄取粉而筋脈留袋中棄去

不用用其粉以蜜和如濕香狀蒸過食之尤佳原服



食集仙方多單餌茯苓其法取白茯苓五斤去黑皮搗篩以熟絹囊盛於二斗米下蒸之米熟卽止曝乾又蒸如此三遍乃取牛乳二斗和合著銅器中微火煮如膏收之每食以竹刀割隨性飽食辟穀不饑如欲食穀先煮葵汁飲之 又茯苓酥法白茯苓三十斤山之陽者甘美山之陰者味苦去皮薄切曝乾蒸之以湯淋去苦味淋之不止其汁當甜乃曝乾篩末用酒三石蜜三升相和置大甕中攪百匝密封勿洩氣冬五十日夏二十日酥自浮出酒上掠取其味極甘美作掌大塊空室中陰乾色赤如棗饑時食一枚酒送下終日不食名神仙度世法 又茯苓合白菊花或合桂心或合朮爲散

九皆可常服補益殊勝 儒門事親方用茯苓四兩頭白麪二兩水調作餅以黃蠟三兩煎熟飽食一頓便絕食辟穀至三日覺難受以後氣力漸生也 又法用華山挺子茯苓削如棗大方塊安新甕內好酒浸之紙封一重百日乃開其色當如飴糖日食一塊百日肌體潤澤一年可夜視物久久腸化爲筋延年耐老面若童顏 又法茯苓松脂各二斤醇酒浸之和以白蜜日三服之久久通靈 又法白茯苓去皮酒浸十五日漉出爲散每服三錢水調下日三服

附茯苓錄

原茯苓抱木者爲茯神安魂魄養精神止驚悸辟不祥



補勞乏開心益智人虛小腸不利者倍用

**集藻辨**唐柳宗元辨茯苓神文茯苓之神兮惟餌之良  
愉心舒肝兮魂平志康毆開滯結兮調護柔剛利寧悅  
懌兮復被恒常休嘉訢合兮邪怪遁藏君子食之兮其  
樂揚揚余始於理兮榮衛蹇極伏孟積塊兮悸不得息  
有醫導余兮求是以食往沽之市兮欣焉有得滌濯爨  
烹兮專恃爾力反增予疾兮昏憤憑塞余駭其狀兮往  
尤於醫微滓以觀兮既笑而嘻曰子胡昧愚兮茲謂蹲  
鴟處身猥大兮善埴圩卑氣受頑昏兮陰僻欹危累積  
星紀兮以老為奇潛苞水土兮混雜蝮蟻不幸充腹兮  
唯痼之宜野夫伎害兮假是以欺刮肌刻貌兮觀者勿

疑中虛以脆兮外澤而夷誤而為餌兮命或殆而今無  
以追兮後慎觀之嗚呼物固多偽兮知者蓋寡考之不  
良兮求福得禍出而為詞兮願寤來者


附神木  
錄

**原**神木一名黃松節治偏風口而喎斜毒風筋攣不語  
心神驚掣虛而健忘脚氣痺痛諸筋牽縮

豬苓

**增**昌黎詩註稀苓豬苓也楚人呼豬為稀 **本草綱目**  
豬苓一名猥豬苓一名豕橐一名地烏桃陶弘景曰是  
楓樹苓其皮黑色肉白而實者佳削去皮用李時珍曰  
豬苓亦是木之餘氣所結如松之結茯苓也他木皆有

神木 猪苓





特7  
35  
458

廣羣芳譜



藥譜八

三六

楓樹爲多氣味甘平無毒治疾瘧解毒蟲疰不祥利水道解傷寒溫疫大熱發汗主腫脹滿腹急痛治渴除濕瀉膀胱開腠理治淋腫脚氣

佩文齋廣羣芳譜卷第一百





国立国会図書館 タイトル『佩文齋廣群芳譜卷1-6, 11-100』 請求記号 特7-458

ガラス使用